

BUNAKRISTO KABUZUNDANA

ABUKOMBI BWAMITUNI

 Eci nci cako. Eci ncintu ciini ca Bamaama. Kacipe eco kuli...?... Alimwi ukazibambe elyo mpawo eci ciini...?...

Nda kulumba, Mukwesu Neville, Mwami aku longezye.

Mwabuka kabotu, beenzuma. Ncoolwe kujoka mu cikombelo alimwi cifumo cino, kulimvwa cabupya a bubotu. Buzuba bwa zonna Nse kakonzya akwalo kukanana. Nda kajisi aka kauka kaniini keenda konse, nywebo mulizi, kanjila mu tumeneno twabo akuba bamba kwaanga majwi, pele Mwami waka ndigwasya a kundi vuna kuzwa ku ciimo eco kutegwa Ndi konzye kukanana cifumo cino kuli ndinywe.

² Elyo tuli kkomene kuti kuli cikombelo cibotu cizwide a bantu kabaimvwi. Nda lombozya buyo ni twa jisi zyuuno zimwi, a kupa ku bantu abo baimvwi. Inga twa kkomana kuba ambabo, pele Ndi yeeya kuti zintuzyonse zya bambwa. Ndi lizyi tamu konzyi kusika akukkala a bana aa cipaililo akulanga kusule mbuli boobu.

³ Lino, akali mazuba masyoonto kuti Nda kali kulangalanga aa makani aakale, elyo Nda yeeya kuti ndiza cifumo cino mubusena bwa kukambauka inga Nda yiisya buyo aniini Ijwi lya Leza. Elyo lino antela tuyu muka aniini, aboobo Njo...bamwi banu inga mwasintana a baabo baimvwi, na cintucimwi, inga caba kabotu ncobeni ikuti na mwa konzya—ikuti na mwa konzya kucicita a kubapa kupumuna kuniini.

⁴ Elyo lino bunji bwa beenzuma, ba beenzuma bangu baboola, bamwi babo kuzwa ku nyendo zilamfu, kulaale kumusanza mu Georgia, kutala mu Ohio, Tennessee, masena buyo aandeene, Illinois, Missouri, Michigan bala boola kuzwa ku Chicago, kuzwa buyo ku muswaangano omwe munii wa cikombelo mbuli oyu. Ci ndibamba kulumba loko ku bantu mbuli boobo. Elyo kutali buyo eco, pele Ndi yanda kwaamba eci, kutali mu kuyandisya kwa... pele mu kuyandisya kwa Ijwi lya Leza: kutandila loko kuti umwi aumwi wa bantu abo taba booli buyo pele bala leta kwakkumi kwabo antoomwe ambabo ku kubikka mu mbungano ku lugwasyo.

⁵ Lino, abo mbeenzuma basyomeka nconzyo. To konzyi kabaluba bantu bali boobo.

⁶ Elyo mpawo ziindizimwi ndiza Nde elede kwaamba cintucimwi eco ciba zapaula, pele amubone nco caamba

mpawo. Mu moyo wako toyandi kucicita, pele nekubaboobo kuli Cintucimwi eco caamba kuti, "Yebo...ceeleded kucitwa," mwabona, aboobo weeleded kucicita.

⁷ Elyo ku babona kaba boola kuzwa kumasena oonse a—a kusola kubelekela Mwami, a kusyoma mu mulimo oyo Mwami ngwa kandipa a kundisyoma kuba mulanda Wakwe kuti inga Nse wamba cili conse cilubide, mpawo akusinizya kumanininde Nde elede kucita ncobeni koonse oko Nkwe zyi ku—ku kweembela buntu bwa bantu abo; mukuziba kuti taba booli okuno kuzo bonwa buyo, kweenzya koonse ku malundu ajisi zyaanda a zilundu, akuselemuka migwagwa isyankene, a bana babo kaba tajisi cakulya akutoona, a masutukezi abo kabibikkidwe kusule lya myootokala. Elyo, nywebo mulizi, eco nciyumu.

⁸ Pele Bbaibbele lya kaamba bantu bali boobo, omuya mu Bbuku lya ba Hebrayo, cipati ca 11, "Akwalu inyika ta yeeleli ku bantu bali boobo." Nda—Nda amba ceeco nkaambo Nda cikanza mu moyo wangu.

⁹ Elyo banji bali omuno mu New Albany a Louisville, a munsi mweengelede, kunselelo mu Kentucky, a masena aindene kutali kulaale loko, pele nekubaboobo bala syomeka kuboola, kweenzya kwiinda mu caanda, sinoo, kufumbwa cintu cimbi, kusika awa.

¹⁰ Lino, Munsono mutobela nkulida kwa Krisimasi. Elyo Nda kayeeya kuti Nda kali...kajisi mulumbe wa Krisimasi ku mbungano, pele Nda—Nda kajisi kulimvwa kuli boobo ku bantu baniini, Nde elede kwaamba ikuti na ba...ikuti na Ndali waano, mpawo bantu baniini antela niba, bunji bwabo bali kule, niba impya Krisimasi a zintu zyabo. Aboobo inga kwa baanga kwayuma ku bantu abo baniini. Pele kakutanaba kwiinka... Lino, tu...

¹¹ Ndi lizi kuti swebo tobantu okuno tatu yiisyi bana besu kuyeeyela kwabuyo mbuli Santa Claus. Ta tusyomi mu kwaambilu muntu oonse bubeji, aboobo tamu kabeji ku bana banu. Zintu mbuli ezyo, ezyo nzya kuyeeyela buyo zyansiku, mbuli cintu cicitika ca Kristo ku Krisimasi.

¹² Alimwi Krisimasi yaka sweekelwa...Krisimasi taicili ya kukomba; nku sekelela, kunywa, kuuma njuka, misaalo, a mupagani uugoolede. Elyo ta cili...Elyo Nda kali kuyanda ku...Ndiza kwaakumana Krisimasi Ndiyo kanana alubo ali *Krisimasi*, nywebo mwabona, kutegwaa muta nyangi baniini... Pele tokonzyi kwaamba ceeco ku bana baniini mbuli obo. Bala bona bana baniini masiku aa Krisimasi kaba jana zipo zya Krisimasi a zintu mbuli zeezyo, taba cimvwisyi. Mwabona? Ba buyo...mba syoonto loko. Elyo tweeleded ku bayeeya, kuti bali...kuti bajisi zintu zikozyenye. Twe elede kulileta ansi ku bana baniini, kuti balo beni...

¹³ Sa Nda vwika maningi—maningi ku mvwika ali ncico, mukwesu, volyumu inji ali ncico? Sena mula konzya kundimvwa kabotu kusule okuya, kusule kwini? Huh? Lindila, Ndi imvwi munsi loko. Kwalo maiki ilabeleka, yobilo yayo, eyi a eyi? Ndi—Ndi yeeya kuti eyo awo ili kabotu. Eco—eco . . . Lino, obo mbo, sa obo kuli kabotu? Lino, cibotu, ciluzi.

¹⁴ Lino, bana baniini beelede kumvwisya. Nywebo mulizi, balo—balo mbana baniini, alimwi twe elede kuyeeya kuti twa kali bana baniini lomwe, aswebo.

¹⁵ Elyo Ndila yeeya cindi nitwakali bana baniini, bakali kunga bazwa akugonka citeo cakaindi ca kedari amwi, elyo baama bakali kunga babbotala ciwaya aku cilengelezya kuli ncico. Oko kwakali kutandila kuba konse kwakaliko aa samu. Pele alo masookesi, maniini akaindi agalankene akali kulengelela alya mbuli buyo . . . Elyo, oh, ndiza wabakali kujana . . . ndiza cisaka comwe ciniini ca maswiiti, alimwi alo kaali maswiiti maniini mayumu, (a obilo na otatwe kuli ndime, a obilo na otatwe kuli Humpy, a obilo na otatwe kuli *oyu*), cibeela buyo tuniini twa maswiiti, elyo twa kali kucibamba eco buzuba boonse, kunyonga ali ceeco, nywebo mulizi. Elyo kuci vungaila mu kabeela kaniini kapepa a kucibikka mu nkomo yesu. Alimwi na twa kaula pisto yakaindi ya bana, na—na, mweembo muniini wa kulizya, cakali cintu cilemu, cakali kutubotelezya.

¹⁶ Sunu, mubwini, cili andeene. Bantu bacete baka jana mali masyoonto alimwi cili obo kuti bala konzya kuulila bana babo zintu zinji, ba sama kabotu, kulya kabotu, kupona kabotu. Elyo koosnse—koonse ku mabazu, Ndi yeeyela kuti bali kabotu loko, alimwi kunsi lya ciimo cakuvula kwa sunu. Elyo nkikaako, bana baniini, mweelede kubalekela kuba a cintucimwi.

¹⁷ Pele lyoonse amube masimpe a ceeci, kamu baambila kuti kwiina cintu cili boobo mbuli Santa Claus, nkaambo ta ciluleme. Bumwi bwa mazuba aya bayo enda kumbele a kwaamba, “Ino kujatikizya Jesu, kai?” Mwabona? Mwabona? Aboobo mubaambile Bwini, akusyomeka kuli boonse. Koba Bwini. Elyo, kapati, inga toambilia bana bako cintucimwi cilubide, nkaambo bayo buka akuti . . . Bala kusyoma mbuli Munakristo, alimwi bayanda nduwe ku . . . Ba syoma kuti eco nco baambila Mbwini. Aboobo koba masimpe ku baambila Bwini, mpawo ciyo yutuka kuba kabotu.

¹⁸ Lino, elyo mpawo Ndi yanda kuti ambweni ndaba a busiku bomwe bumbi ikuti na Nda konzya, na buzuba, ku cikombelo, ka Ndi tana kuzwa mu kuboola kwa myaka yangu ya milimo . . . mwaka wa mulimo, mubwini.

¹⁹ Elyo ikuti na nduyando lwa Leza, Ndi yanda kusola kujana miswaangano minji yaku masi aambi uno mwaka, nkambo Nda limvwa kubula kwa nkuko. Kapati mu Switz- . . . mu Sweden a Norway, a manji aa Scandinavia—i masi aku Scandinavia, elyo

kuselemukila mu Asia. Ndi limvwa kuti tweede kupaengana kuba mu mupailo ku zintu ezi, kuti tweede kwiiya nzila ya Muuya Uusalala a nzila eyo Nja nga wa tusololela, a zintu ezyo nzyo tweede kucita.

²⁰ Mu kulangalanga makani akale mataanzi aa mbungano, aakalembwa a Broadbent, a Hazeltine, a bukanazi bwabo buli ali njiyo, *Nicene Fathers*... Elyo jilo Nda kamanizya buyo a buumi bumaninide bwa Musalali Martin kuti mbungano ya Katolika yaakaka kumubamba kuba musalali; Leza wakacicia eco. Aboobo ba... zya buumi bwakwe bupati, a nzila zitondezyo nzizyonya a zigambyo kazitabela muntu oyo ncobeni muciindi ca buumi bwakwe; obo mbwa kabusya bantu bobilo bakafwide, kutanda myuuya mibi, akwaamba mu myaambo itazizilwe, akubona zilengaano a zintu, alimwi ino muntu mulemu. Pele, nekubaboo, mu maseseke ngaonya aa nguzu zyakwe wakali mu bubombe kumbele lya Leza. Elyo tu jana kuti sunu mbungano, nekubaboo iyisya nguzu zyayo a kuyisya zitondezyo zya kutabela musyomi, nekubaboo tuba jana kulikankaizya, "mebo mupati, yebo omuniini," a ceeco, taili—taili mbuli Mbungano ntaanzi, nywebo mwabona. Ba kali babombe, a basibuuya kuli umwi aumwi, a babotu, bakali kumwwisya. Elyo ciliindene kapati sunu. Elyo Nda libuzya ikuti na kunji kwa ceeci tii kwaka tuleya kuzwa ku i—i cintu cini ca—ca Mulumbe, kuti, tu yanda kulibombya tobени. Amuli bambe... Mbo bwiindila kuli bombya, nocibota loko kuli Leza kumu belesya.

²¹ Kulangalanga zya kuyeeyela buyo zyansiku a twaano otu toonse, Krisimasi lywayo nkaano kabuyo. Ta ili... Kwiina cini cijatikizya Krisimasi. Krisimasi taakwe niya kaambwa akwalo mu Bbaibbele, taakwe nibakali kukomba buzuba bwa kuzyalwa ibwa Kristo. Tii cakaliko cintu cili boobo. Ako nkayanza kabuzumini bwa Katolika yaba Roma akutali kuyisya kwa Bunakristo, taakwe Lugwalo lwa njiyo ali onse mu Bbaibbele alimwi myaka mitaanzi ili mwaanda kunze lya Bbaibbele, mwabona, taakwe kuli njiyo. Nkuyeeyela buyo. Santa Claus, mpindu, zintuzyonse, cintu coonse camanina mu cidyobedyobe capati.

²² Ikuti na mwajokela a kubala matalikilo aa ncico a kulanga ansi lino, inga mwabona awo mpotwa kabede. Taakwe cintu cisyeede, kwiina cikonzya kugwasya pele Kuboola kwa Mwami. Kwa mana. Taakwe cintu lino cikonzya kutu gwasya kuzwa ku lupyopyongano olu pele Kuboola kwa Mwami.

²³ Sena eyi ni swiichi nini itweluka mateepu? Ndiza ncibotu Nda tweluka cintu eci conse, kuta cituma kumwi, nkaambo cila nyemya kapati. Pele Nda amba ceeci kutegwa... Sa mateepu ali mukupangwa lino? Muta kasambali mateepu aya, mwabona, aya mateepu ta sambalwi. Bala konzya kwiinda mu mbungano, na zimwi zimbi, pele... nkaambo ci... ciyo leta lupyopyongano,

mbuli masimpe mbo kuli inyika. Mwabona? Aboobo amu cijate buyo kusikila tu cibambe bwandeene.

²⁴ Lino, katutanaba kuboola ku mulumbe, alimwi bantu boonse basola kuba mbuli kuyeeya a mbuli kulyookezya mbo mukonzya. Nse kotola ciindi cilamfu, pele Ndi yanda kuliiba mu ciindi cangu kutegwa . . . ku ceenzya anselelo, kutegwa mu cibone ncobeni. Lino, atu lutaanzi . . . Lino, ikuti na zintuzyonse zyazwa mu nzila, Nda syoma, kusika boobu kuli . . .

²⁵ [Mukwesu Neville waamba kuti kuli zyuuno zimwi zilikö—Mul.] Iiyi, amulekela abo balindu abo baimvwi ku lubazu oluya baboole atala awa. Kuli busena atala awa bwa ndinywe nobacizi. Inzya. Nceeci cimwi nkoonya okuno kumbele. Nceeci cuuno nkonya kusule awa. Kuli bana atala awa aa cipaililo, ikuti na umwi uyanda kutanta a mwana muniini, a kupa zyuuno zyabo kuli bamwi, bapati baimvwi. Baa, kuli busena aa i—a cipaililo mpoonya awa bwa bana, a bapati inga baba aa cuuno. Abo balindu baimvwi kusule ly a zjoncomene awa ku bwaanda. Ikuti mwa . . . Cili kulaale kusule awa mu kkona, pele cili . . . cila zunda kwiimikila alya. Ikuti na uyanda kwiimikila . . .

²⁶ Mbaaba bamwi aa cibumbili. Lino, nobamwi bakwesu nomuyanda kuboola atala awa, aba bana bajisi . . . Ngooyu umwi ukkede awa kumbali ly Mukwesu Way. Boola atala lino, jana cuuno cako kuzunguluka awa, aboobo onse . . . inga walimvwa kabotu, limvwa kuti uli . . . libamba kulimvwa kabotu. Mboobu busena mpoonya awa, Mukwesu Shelby, atala awa mpoonya aa cibumbili, ikuti na uyanda kuboola atala awa a kukkala ansi munsi lyesu, mpoonya atala awa. Elyo Mukwesu Evans a Mukwesu Charlie, a nywebo, nceeci—nceeci cuuno mpoonya awa, elyo cimwi mpoonya awa, a zyobilo—zyobilo mpoonya awa. Boola atala eni, mukwesu kuzwa oko . . . koboola buyo atala, akubamba kulikwaya omwini kutegwa twakonzya . . . ku bamba bantubonse cabutontozi mbuli mbo tukonzya ku i—ku kuswaangana, kutegwa muta katali a kudekela akuno imvwi.

²⁷ Bamwi banu bakwesu kusule . . . mucizi kusule kwini mu hoolo okuya, wiimvwi kulaale kunselelo mu hoolo. Uli . . . cili busena. Mboobu bumwi, neunu ca piyaano umwi neakonzya kubelesya, ikuti na balayanda kusika a kukkala ali neico. Inga caba kabotu. Nda bona mulindu kusule okuya katambikizya kuti kuli cuuno citakwe cintu ku lubazu lwa nguwe, aboobo mpawo eco cili kabotu. Kolibamba buyo lwako kulikwaya mbuli mbo konzya lino.

²⁸ Elyo lino kuciindi notu sitikila atu . . . Kutandila maminiti ali makumi obilo, maminiti ali makumi obile aotatwe kuzwa teeni, abuzuba bwa seventiini Nalupale. Imvula nji aze, omnuno mu Jeffersonville nkuseeni. Alimwi—alimwi tuli bubi anze; pele kulimvwa kabotu mukati, botuloko, mukuziba kuti tuli mukulanganya, i Kuboola kwa Mwami kuli afwaafwi, a kuswena

ku Butamani. Elyo tuli lumbide-loko kuli Leza kuti tula konzya cifumo cino kwiimikila a kupa kucitika ku musyomi, a sikutasyoma, Ijwi lya Leza muumi. Kusyoma kuti buyooba buzuba bupati kuli ndiswe toonse kumvwisywa zintu zya Mwami.

²⁹ Lino atu kotamike mitwe yesu asyoonto buyo ku mupailo. Elyo kuciindi notu kotamikide mitwe yesu, ikuti na kuli umwi uyanda kwiibalukwa, tambika buyo maanza aka kuli Leza, yeeya nkumbizyo yako mu moyo wako. Nda lumba.

³⁰ Taata wesu Wakujulu, mbuli mbo tuli mu cikombelo lino, toonse katukkede, alimwi maikrofooni ilabeleka, a marekkoda aleenda, a Banakristo bala paila, nkumbizya kazizibwa. Elyo kwa mvwiki zimwi zyobilo na zyotatte Nda zumanana kulangalanga aa mulumbe oyu wa sunu. Majwi buyo masyoonto ayo ndiza Muuya Uusalala nga wa kubikka ciyo kunsi lya myoyo ya bantu, kuti bakonzye kubona ciindi nco tupona, a kulibambilila kuyo swaana Mwami Leza. Inga twa kombela balwazi a bapengede besu koonse.

³¹ O Jesu, yeeya Mbungano Yako, Mbungano yaboonse, ku nyika mbiizulwa kuseeni okuno, bamwi mu zisaka, bamwi kunselelo mu kkuti lya kusala, bamwi babo bali atala lya mulundu. Elyo koonse ku nyika bana Bako ba yaamina kuli Nduwe a kwiitila Nduwe. Elyo mbuli Johane wakale, kuzwa ku Kasuwa ka Patimosi, kati, "Nokuba boobo, boola, Mwami Jesu."

³² Elyo tula mvwisywa kuti tatukwe busyu bwa sinkondo, uli munsi lyoonse kusinkila a kulesya, a kucita kufumbwa cintu eco nca konzya. Pele, O Mwami, kopa bana Bako lusyomo cifumo cino, nguzu zya kubuka atala lya sinkondo, jula myoyo yabo akubamba buntu bwabo kuba myuunda ya masena ajisi busani oko Ijwi lya Buumi nkoli konzya kubyalwa, akuleta lutangalo lupati a butebuzi bunji.

³³ Nda komba, Mwami, kuti Uyo longezya Ijwi Lyako a balanda Bako. Kopa lugwasyo ku jwi lyangu eli likompeme kuti Ndi konzye kujata canguzu ku bunanike bwa Muuya Uusalala. Elyo mpawo mu mundando wa mipailo, kupa nguzu a lusyomo, Mwami, kuti takukabi muttu uukompeme aakati kesu cindi twa siya buyake obu. Ko cipa, Mwami.

³⁴ Tu lizi kuti tupona ku ciindi camamanino. Elyo twa Ku lomba utu longezye lino mbuli mbo tuyu ambele kulindila ali Nduwe a kubala Ijwi Lyako. Mu Zina lya Jesu twa komba. Ameni.

³⁵ Lino Ndila bala masena obile na otatwe mu Lugwalo, alimwi mbuli Mbwe kaambilizya Munsono mwainda kuti sunu Ndali kuyo sola kukanana aa: *Bunakristo Kabuzundana Abukombi Bwamituni*. Elyo eco nce ciyo cesu cifumo cino. Elyo, eno, Nseli Iwiiyo Iwabukombi, akutaba sicikolo wa Bbaibbele pee, muntu buyo utayiide oyo uyanda Mwami Jesu a moyo wangu oonse. Nse tamini kuba silwiyo Iwabukombi na kusola kubweza

busena bwa umwi, pele kusola buyo mu kulibombya kwa moyo wangu kupandulula zintu ezyo nze Ndi limvwa kuti Muuya Uusalala wakandi yubunwida, alimwi Nde elede kuzipa ku mbungano yangu. Nkambo nkuyandisya kwangu kuti eyi mbungano ikomene, kuti eyi mbungano ibe kabotu kumuuya. Nku yandisya kwangu nkaambo eyi mbungano nja kuyandisya kwa Leza, alimwi kuyandisya Kwakwe nku yandisya kwangu. Aboobo Nde elede kubona ceeci.

³⁶ Kubala muli basimakanai aakale bataanzi, aa Irenaeus a bamwi, nzila mboka tantamuna mbungano ku busofwi bwa zintu zya inyika, obo bamayi abo bakaindi mboba kasika okuya a kukkala ncobeni a Makanimabotu ayo. I Bbaibble teelya kalembedwe ku ciindi eco mu ciimo mbuli mbo tu Li jisi lino, kutali kusikila ku Lubambululo, elyo Luther waka libikka mu bulembo. Pele ba—ba kajisi eco ncoba kaita kuti *I Makanimabotu a Muapostolo. Makanimabotu a Muapostolo*, elyo baka kkala a ceeco.

³⁷ Lino, ku masena esu obile nge tukanza kubala cifumo cino, bumwi bwabo ngawo bujanwa mu Bbuku lya Jeremiya, cipati ca 7, a kutalikila kampango ka 10 kusika ku 18. I busena bumwi bujanwa mu Incito 7:49. Elyo ikuti na muyanda kweengela cibalo ca ceeci, na cibalo kuzwa muli ceeci, Jeremiya 7, inga kaba kampango ka 18. Ndi yanda kutalika kubala kuzwa ku kampango ka 10.

Elyo kuboola a kwiima kumbele lyangu mu ng'anda eyi, eyo iitwa ku zina lyangu, a kwaamba, Twa futulwa kucita ku zisesemyo ezi zyoonse?

Sa eyi ng'anda eyo yiitwa ku zina lyangu, yaba kkoba lya babbi mu meso anu? Amubone, akwalo Nda kacibona, mbwaamba MWAMI.

Pele kamuya lino ku busena bwangu bwakali mu Shilo, omo Mwe kabikka zina lyangu kumatalikilo, a kubona eco Nce kacitila mbubo ku bubi bwa bantu bangu ba Israyeli.

Elyo lino, nkaambo mwaka cita milimo eyi yoonse, mbwaamba MWAMI, kuti Nda kaambaula kuli ndinywe, kufuma kubuka a kukanana, pele tee mwakamvuwa; . . . Nda kamwiita, pele teemwa kamvwiila;

Nkikaako Njo cita ceeci ku ng'anda eyi, eyo yiitwa zina lyangu, mo musyoma, a ku busena Mbwe kamupa a bamauso banu, mbuli Mbwe kacita ku Shilo.

. . . Ndiyo mutanda ku meso angu, . . . Ndiya ku batanda bananyoko banu boonse, Nda batanda bananyokwe boonse, noluba lunyungu loonse lwa Efraimu.

Nkikaako muta bbadeleli bantu aba, muta kombeli . . . nkambo ka bantu aba, ta boompololi alimwi akuta lilita mupailo yabo, naanka kukombelezezya kuli ndime: nkambo Nse kamumvvi.

Sena tobwene eco nco bacita mu muunzi wa Judah a mu tugwagwa twa Jerusalemu?

³⁸ Lino Ndi yanda kwima Nke tana kubala kampango kamamanino ika ceeći. Andi talike alubo lino. Leza katapatila bantu aba, a kwaamba, “Uta soli kuba pailila.” Andi talikile akampango ka 16 a kubala kwiinda muli ka 18 lino. Amuswiilile kabotu.

Nkikaako muta bakombeli bantu aba, nanka koompolweda mipailo yabo, naanka kukombelezezya kuli ndime: nkambo Nse kamumvvi.

Sena uta . . . Sa tamu bwene eco ncoba cita mu munzi wa Judah a mu tugwagwa twa Jerusalemu?

I bana babungika nkuni, . . . bamawisi babo bakutula mililo, a banakazi bakanda busu bwabo, kuti bajike zibunke zya namalelo waku julu, a kutila zipaizyo zyakunywa ku tuleza tumbi, kuti inga mwa ndisoka kuba aa bukali.

³⁹ Lino, Ndi yanda kujula lino mu Bbuku lya Incito, chipati ca 7, a kutalikila kampango ka 44, akubala kusika ansi kuli ka 50.

Bamatata besu bakali jisi cikombelo ca bumboni mu nkanda, mbuli mbwa kalailila, kaamba kuli Musa, kuti ulelede kucicita mbubonya ku cikozyanyo eco nca kabona.

Bali abalo bamatata besu baka njila a Jesu ku lukono lwa Bamasi, abo Leza mbaka tanda kumbele lya busyu bwesu bwa matata, ku mazuba aa Davida;

Oyo waka jana luyzalo kuli Leza, alimwi wakali kuyanda kujana cikombelo ca Leza wa Jakobo.

Pele Solomoni waka tuyakila ng’anda.

Nekubaboo Sijulu lya majulu takkali mu matempele aaka citwa aa maanza; mbuli mbwa kaamba musinsimi,

Julu calo cuuno cangu cabwami, alimwi nyika mbutandabilo bwangu: ino ni ng’anda nzi njo tuyondi yakila? mbwaamba Mwami: na ino mbusena nzi bwa kulyookezezya kwangu?

⁴⁰ Lino, inga mwabona kwiinda mu kubala kwa Lugwalo, kuti, awo mpe Ndi bikka muzeezo wang’ cifumo cino, aa “bukombi bwamituni,” kusaanguna, ku kutalika. Kuli bulembu buniini bulembedwe kujatikizya bukombi bwamituni. Takukwe mabbuku manji akupandulula bukombi bwamituni, kuti bukombi bwamituni niinzi, kakuli inyika izwide mbubo.

Ndi yeeya kuti kaambo ka ncico, nkaambo kakuti tii bwakapandululwa ncobeni ku bantu, mukutaziba eco mbo cakeelede kuba. Elyo cakali coolwe cangu, a coolwe cangu cipati mu buumi bwangu, mu kweenda, kubona bukombi bwamituni bumwi, kuziba mbo bubede.

⁴¹ Elyo mpawo mu kulangalanga kwa bukombi bwamituni, mvwiki zyainda zisyoonto, zyakuyeyela buyo zyansiku, zyakuyeyela buyo zyansiku zya Bagriki a zyakuyeyela buyo zyansiku zya Baroma, mpawo cilandi josya kubona naa baka jaya... nekubabooobo kubamba cintu nciconya kacipona, mpawo cila ndijosya kubona naa bukombi bwamituni nko bucili mbo bwakabede ku matalikilo. Sunu mu lweendo, kubona bukombi bwamituni; elyo mpawo kubona nzila mbo bwakatalika, kubala nzila mbo bwakatalika kaindi ku... mu mazuba mataanz; Nda bona kuti tabuna cinca.

⁴² Lino, Nda kali mu India, India izwide bukombi bwamituni. Bali jisi basikweenda mu mililo a baindene... Nda yeeya, masika amwi cindi Ne kasika mu Bombay, Nda kasangabalisigwa masika ayo ku... Ndili... muntuumwi waka ndaambila, Nse kakonzya kuziba kuti oyo wakalini a oyo bakali mu tempele lya ba Jaini. Elyo antela bwakali bukombi bwakali seventiini na seveni, bwa bwiindene, alimwi Ndili masimpe loko bwakali bukombi bwaandene buli kkumi aciloba bwaka ndiswaana okuya mu kuzundikizya kwa Ijwi, alimwi bumwi abumwi bwabo kabulwana Kristo canguzu. Bukombi bwandeene buli kkumi aciloba! Elyo ba kali... Ba katubamba kusamununa mabbusu esu ku tempele, a kunjila mukati, nkabela baka tu kkazika aa mapilo. Elyo inga catola ciindi cimwi kwiinda mu nzila isyupa yoonse itagwasyi (mbuli mbo Ndi ciita) twa kacita kwiindamo. Pele meya wa dolopo waka tutola omuya, lwakwe wakali muna Hindusi, uli muna Mohammedi.

⁴³ Elyo Mohammedi wakali musinsimi, alimwi wa kazwa mu nzyalani ya Ishimaeli oyo awalo wakali mwana wa Abrahamu.

⁴⁴ Elyo cakali ku nzyalani eyi cakuti oyu muvangel i wampuwo mu nyika sunu, kuti, waka cija kuzwa kuli umwi wa bantu babo oyo waka muzundikizya ku kazekele mu Ijwi. Elyo, ku muzeezo wangu, muvangel i wa keelede kwaamba kuti, "Nse jisi zipego zya kuponya, pele mubili wesu wa basyomi uli jisi zili boobo. Amu ndipe maora masyoonto, nkabela Njo leta umwi okuno." Mwabona? Pele, mubwini, mukucita ceeco, mpawo muvangel i naka liyutulula mwini ku tubunga oto twakali kumugwasya, elyo mpawo na katandwa abusena.

⁴⁵ Elyo mpawo aa muyeeyo wabili wa ncico, Nse syomi kuti Ne lekela sikutasyoma oyo kulyataula Ijwi lya Leza. Ikuti ni Nda kazundwa, inga Ndi ciimvwi awo a kutondezya lusyomo lwangu a kusyoma muli Leza kuti Ucili mbubonya. Mbuli bana ba Hebrayo mboba kaamba, "Leza wesu ula konzya kutuvuna

kuzwa ku bbila lyamulilo eli, pele nekubaboobo ta tukokotamina mituni yanu." Inzya, Ndi syoma kuti ni cakaba cintu cantanze kwinda. Alimwi mpawo alubo Nda . . .

⁴⁶ Mbuli kuba mwiyi wa lwiiyo lwabukombi akubambwa kabotu mu Lugwalo, mbuli muvangeli mupati mbwabede, alimwi muntu singuzu mbuli mbwabede, Nda syoma kuti Ne muzundikizya aa Ijwi, naa Jesu wakali Kristo na pe, na Muhammedi wakali musinsimi, alimwi aku mutondezya kwinda ku Bbaibbele lyakwe mwini. Ikuti na oko nikwali kwiipta kwangu (mu Bbaibbele) mbuli mbo cibede ku muvangeli, ku cipandulula, Ni ndaka kabweza kwiima oko mubusena buyo bwaku cija kuli mbubo akubbingila. Eco cakatondezya . . . Eco tacitondezyi camba cini ca Bunakristo kuti buyoima okuya, kupona na kufwa. Leza ulakonzya kuvuna. Nda syoma Ne kaita janza lyakwe aali ceeco.

⁴⁷ Pele bala luba kuyeyya kujatikizya Bombay cindi muntu moofu okuya, bana Mohammedi, busiku obo mbwakatambula kukubona kwakwe mu muswaangano. Tiiba kaamba ceeco.

⁴⁸ Pele, nekubaboobo, aa bantu aba, tabali basikuupaupa. Balo mbantu basinizizye, basinizizye buyo mbuli ndinywe a Ndime, alimwi ziindizimwi kwinda ndiswe omuno mu America. Tabali basikuupaupa. Bala syoma ncobeni eco a ku cicita akoonse kuli muli mbabo.

⁴⁹ Andi mupe cintucimwi ciniini aa bukombi bwamituni. Nda liluba zina lya kaleza ako kaleza ka basikweenda mu mililo, pele ncibumbwa cipati a kukomena, nconzyo . . . cintucimwi cikozyenye abusu bwa muntu, musyobo wa busyu buboneka mbuli sikusobana mu zipekupeku, a matwi, mapati nconzyo akumvwida ku zibi zyabo zyonse azimwi zimbi. A ma rubbi, mapati nconzyo mbuli macoco muli abo . . . mu matwi abo awa, kuti, antela akonzya kuulwa milioni kabeela komwe, ndiza; kwayanda oko kwaindilizigwa, kwayanda kwacesegwa loko. Pele, oh, ngale zidula kapati mu cibumbwa eci!

⁵⁰ Elyo mupaizi wa tempele uleta mulimi mucete, ta elede kuba . . . buyo mbuli uuzizilwe, ta eelede kuba muntu umwi musalesale. Walo muntu buyo uuzizilwe, mulimi oyo uyanda kupa kulumba ku kaleza kakwe kuti zisyango zyakwe zibe kabotu. Elyo, mu kucita ceeco, ula tondezya lusyomo lwakwe mu kaleza mbuli mbwa boola ku tempele alimwi ula lelekwa kwiinda ku mupaizi wakwe.

⁵¹ Elyo mpawo ku . . . kulibambila kweenda kwiinda mu ciziba ca makala amulilo ayo atukokola tunji tusakene a matende manji kulampa, akuvupaula kubellesya mafaani kuti apya cakutuba. Lino, oko takuli kulicengeezya, bwalo mbwini. Ula unka kumbele lya mutuni, wa lyaamba zibi zyakwe ku mupaizi oyu, elyo baka tila maanzi ali nguwe; maanzi aasalala, a zimwi zimbi, ezyo mupaizi nzya longezya.

⁵² Elyo mpawo, ziindi zinji, bala bweza kalobo kapati, kalobo ka nswi, kapati, loko, ndizi cisela ca inchi ku makkota otatwe atala lya—lya kwiinganya, atala kuzwa i—i mbali kusule lya cakulya ca kalobo. Elyo babikka cibbo ciniini ca maanzi ali ceeco, mbuli cisakatizyo ca samu liniini lya Krisimasi, a cibbo ciniini, aku cizuya maanzi kuti cileme. Alimwi bala bwaza, mubwini, zyuulu zya zeezyo a kuzihaka mu nyama yabo, ku zikwela. Mbuli mbo tunjila, mu nyama yabo, kutu kwela, kwinka kwinda mu kupenga kukubotezya kaleza kabو, cibumbwa. Tabali basikuupaupa.

⁵³ Mpawo, ziindi zinji, balolomeka milaka yabo akuba cakudonkozya cijisi mfoloko ali njiyo, kwinda mu lulimi lwabo atala kwinda mu mpemo zyabo a kucijatilila antoomwe, kubweza kusumwa kwa tutali a kusuma milomo yabo antomwe ikuti ba . . . baka kaamba zintu zitaluzi. Elyo kupenga kuli obo!

⁵⁴ Elyo mpawo kukkanala munsi lya ciziba eci cipati ca mulilo. Ba jaya mpongo, kukubotezya mutuni, kupaizya buumi nkambo ka zibi zyabo. Elyo weelede kumvwa i—i kugwenauka cindi mpongo eyo yajaigwa. Bala lyaambilila zibi zyabo ali njiyo a kujaya mpongo, kuwaala i . . . kubweza bulowa mbuli mulungo.

⁵⁵ Elyo mpawo na sikweenda mu mililo, na wayoowa akuzuza mu mulilo, uli letela sampu kuli lwakwe. Pele we elede kweenda asyoonto a kutonkomana kwinda mu makala aya amulilo. Alimwi ziindizimwi alo manji kusakana ansi mbuli tukokola tuli fifitiini, aya makala amulilo. Alimwi ndiza kusaka kuyaansi kwa tukokola tuli fifitiini ndiza fifitiini alimwi niza mayaadi ali makumi otatwe kulampa, a kutandila, oh, ndiza tukokola tuli lusele na kkumi mu bukwasule. Elyo ala tuba buu kupya. Elyo ta jisi cintu cita nguzu akongelezya, kwalo kalembo kaniimi kavumbide mu cikungu akati kakwe. Elyo ula unka alya kajisi, lengelela a konse oku, a kuzwa malowa, a tulobo twanswi a zintuzyonse kazili amubili wakwe onse, ula belesya mwini mu kubibwa kusikila imate atuba kaloka kuzwa ku mulomo wakwe.

⁵⁶ Elyo ngooyu waboola, keenda kwiinda mu mulilo oyo, a kweenda okuya ku lubazu lumbi, kata pide nokuceya, kwiinda mu mulilo, alimwi ndiza matende akwe kaya bubbila *boobo* (maulu) kunsi mu mulilo, matende obilo na ncibotu mbuli mbwaenda, kukwela makala ayo apya nconzyo mujulu a mubili wakwe wabantu, kweendela mu mulilo akuzwa ku lubazu lumbi katapide. Inga walanga ku matende akwe, taakwe kakwalu na kupya.

⁵⁷ Elyo mu kulangilila *boobo*, a kuyeyya, ikuti na cituuzyo ku mutuni wa bupagani, a bulowa bwa mpongo, a lusyomo muli *boobo* inga bwakwabilila muhedeni kuzwa ku mulilo, ino inga bwacita nzi Bulowa bwa Jesu Kristo ku musyomi kuli Leza muumi?

⁵⁸ Lino, bukombi bwamituni ncintu ceenzu. Muciindi ca makkalo twa kali cijisi, kuzwida ciindi i...yeeyela, matalikilo aa ciindi. Lino, matobelanwa a kukomba oku kwa mituni walo muntu upanga mituni, ulapanga mituni, mpawo ula njila akuli bambila mwini ku kukumba oku kupati. Lino, ula syoma kuti oyu mutuni ubambwa mu cinkozya ca kaleza kamwi ako nka ta...tana bwene. Ta jisi ciwa, aboobo ula syoma kuti uli mu cinkozya ca mutuni oyu ngwa panga ku kaleza aaka.

⁵⁹ Lino, muta lekeli eco kumusiya! I “cinkozya” cili mu cinkozya ca kaleza kayeeyelwa buyo ako nka syoma kuti mbo kabede.

⁶⁰ Mpawo ulainka kumbele lya mutuni a kuli fugamika lwakwe, a kusyoma kuti kaleza akko kalo muntu uutabonwi useluka mu cibumbwa eci, alimwi ula syoma kuti waambaula ku kaleza kwinda mu cibumbwa eci, kaleza kamuleta mu cibumbwa eci a ku muvviila. Elyo bunji bwa bamaiyi awa bakabweza kuyeeyela kwabuyo kwa zyansiku...Atwalo tuleza oto, twa kajisi nkondo kuli kamwi akamwi, ba kataminina, a zintuzyonse, mu mazuba ayo.

⁶¹ Lino, mu majwi ambi, kaleza kala libiba keni kuzwa ku kwiimikila kwa cigambyociinda, kunjila mu mutuni oyu, a kuvviila mukombi kwinda mu mutuni oyu. Alimwi mukombi, mu musyobo umwi wa kuyakwa kugano lya kulimvwa, ula syoma kuti cibumbwa cila kanana kuli nguwe, ku moyo wakwe, alimwi wa kalekelelwa zibi zyakwe a zimbi, kwiinda mu mutuni oyu, eco calibonya antangalala kuti ngu dyabolosi. Ngu dyabolosi oyo ucicita.

⁶² Elyo taba citi buyo zintu mu cantenda; bamwi babo bala cita, pele kuli bakombi beni ncobeni ba zintu ezyo. Kupa mukozyanyo, Nda konzya kukwaambila twaanoo ayo madaimona ayo mu mituni eyo kaacita misyobo yoonse ya zintu, kupanga bulowa kuzwa ku zintu, a zintuzyonse zimbi. Alo—alo—alo madaimona!

⁶³ Elyo ikuti na tosyomi mu ii...nkwali dyabolosi wini, nato syomi kuti kuli Leza. Masimpe, weelede kusyoma bwandeene, buboto a bubi. Aboobo kuli dyabolosi wini, alimwi walo muntu. Kutali *muyeyeo*, walo muntu.

⁶⁴ Lino, kuli kuyiisyia kuyabuya ali ceeco kwaamba kuti, “I dyabolosi *muyeyeo* buyo ii—ii mubi ngo mutambula.” Peepe, peepe, tacili obo. I dyabolosi walo muntu.

⁶⁵ I bantu mbabonya basyoma kuti “I Muuya Uusalala *muyeyeo* buyo ii—ii mubotu ngo mutambula.” Pele muta syomi eco. I Muuya Uusalala walo Muntu, Walo Muntu wa Kristo mu ciimo ca Muuya.

⁶⁶ Lino, aba bakombi bamituni...Alimwi muli jisi Magwalo anu kaabambidwe na masena ku Magwalo anu. Inga—Inga nda tondeka kuli babo mu ziindi zisyoonto, Magwalo, inga

twa bala amwi. Lino, aba basimituni, bakali fugamina kumbele lyu mutuni, syoma kuti kaleza ako nke bali mukukomba kala imininwa mu mutuni oyu. Lino, sena muli jisi eco, kuti mukombi tali sikuupaupa? Mubwini uli mukujata cintucimwi eco cili mu mutuni oyo, nkaambo cila joka aali nguwe, ula cita cintucimwi; ku cijana kuzwa ku mutuni oyo, kali nkaleza kakuyeeyela buyo, kutali Kamwi keni.

⁶⁷ Elyo ziindi zinji dyabulosi ula njila mu zintu ezyo. Elyo dyabulosi ula njila mu miswaangano ciindi cimwi a kuli kozyanisa lwakwe mbuli Leza. Nda kacibona eci mu mulimo wangu.

⁶⁸ Lino, amuyeeye, eci cili buyo... tu yiisya buyo cifumo cino. Elyo ndi yanda mbungano eyi, cindi Nda kuunka mu mulimo okuno kuya kumasena akubelekela, Ndi yanda kuti mukkale a mweembeli wanu a kukkala a Kuiisya oko kwa kayiisiga okuno. Amukkale a Ijwi eli, muta Li lekeli kuzwa! Amu kkale ncobeni a Ijwi takukwe makani eco ciboola na kuunka, amu kkale a Ijwi eelyo! Mwabona? Lino, alimwi nkaambo buyo kakuti Nda unka... Ndili umwi buyo wa beembeli awa. Mukwesu Neville uyiisya cintu nciconya Nce cita, aboobo kamuboola buyo ncobeni ku mbungano a kuswiilila ku Ijwi.

⁶⁹ Ta ndizi oko Nkwa yoondi sololeta. Nda ambila mukaintu wangu cifumo cino ku tafule, “Kuli cintucimwi muli ndime eco cakaompolola myaka eyi yoonse, Ndiyo ziba mbo cibede.” Lino, Nse zyi nzila nko Ciya kusololela, oko nko Ciya kuunka, pele oko Nkwa ndisololela Njo ccilila.

⁷⁰ Lino, bukombi bwamituni, nkobucili asunu. Tula jana... Ndila jana bantu kabasika ku cipaililo, alimwi a kwamba kwaboofu kwa bamaiyi boofu, baya kuteeti, “Kojula buyo, koluba zintuzyoonse, bamba mizeezo yako kubula cintu. Uyo oba i—Eliya. Uyo ba eci, eco, na cimbi.” Ino mbubeji! To booli kuli Leza... Oko nku jula buntu bwako ku misyobo yoonse ya myuuya ya dyabulosi kunjila. Muta citi eco. Mweelede kuyeeya kuti kuli dyabulosi, alimwi ula mukkopela Kristo mbo kweelede, kutandila.

⁷¹ Nda kali kubala mu *I Buumi bwa Musalali Martin* cindi cimwi cakainda, kuti oko mulombe, wa kali monki mubwini, elyo wa kati Leza waka mwiita kuba umwi wa basinsimi bakale, “Ko ndisiwilila, Ndili umwi wa basinsimi bakainda.” Elyo cikolo... Martin, mubwini, tako swiilila ku cintu cili boobo. Aboobo tiiba kacisyoma nkaambo buumi bwa mulombwana tii bwa keendelena kuli ncico. Kumalekelo wa kati, “Ndiyo kutondezya kuli ndinywe kuti Nda kaitilwa kuba musinsimi mudaala. Mulombwana buyo mukubusyi,” kati, “pele Nda kaitwa.”

⁷² Mwabona, “Zipego a kwiitwa tazibooli ku kweempwa.” Mwabona, bala leya kuzwa ku Ijwi, elyo cindi mwaleya kuzwa ku Ijwi munjila mu cintu cili coonse.

⁷³ Elyo mulombe oyu wakati, "Sunumasiku, kutandila akatikamasiku, Leza uyo ndipa cikobela cituba, cakubelesya kukkan akati kanu nyoonse, kutondezya kuti Ndili musinsimi mudaala." Aboobo balo...obo busiku bonse bakaswiilila, a kusibila kuti, "njila," a bantu kabeenda. Elyo mulombe wakatambula cikobela cituba. Cindi mweenzu nakazwa, ba kaunka akulanga cikobela, cakali cakasimpe, cini, cikobela cituba, cakali kulibonya kabotu loko.

⁷⁴ Pele, bishopo mudaala, ta kakonzya buyo kumvwisya ceeco. Tii cakalibonya kabotu, nkaambo, tee cakali ca Lugwalo (cikobela cituba).

⁷⁵ Elyo cindi na kacita, ba kati, "Kobweza cikobela eci a kuunka kuyoima kumbele lya Musalali Martin, oyo muntu wa Leza." Elyo ta kakonzya kucicita. Ta kaima kumbele lya musinsimi oyo wakasimpe. Ta kakonzya kwiiama; nkabela baka musungilizya kucicita. Elyo cindi niba katalika kumutola, cikobela caka zimaana a kuunka kubusena bumwi, tiiba kazi nko cakaya. Mwabona, cindi caletwa ku kazekele!

⁷⁶ Ikuti na ujisi ngolide ini toeledé kulibilika kujatikizya kuti ni mbotu na pe, iya kuzunda kusolekwa kuli konse. A Muuya wini wa Leza uyo zunda kusolekwa nkaambo waka solekwa aa Ijwi lya Leza. "Aatala lya mwaala oyu Njo yakila Mbungano Yangu."

⁷⁷ Nda kabona bantu kaba njila mu mabibo mapati, bantu babotu. (Lino mula konzya kabona kaambo nce Ndi tayandi kuti eyi—eyi teepu ika sambalwe.) Nda kabona bantu babotu, a bantu ba Pentekoste, beembeli abo bata kamvwisya, bantu kabanjila mu mabibo akunyangwa myua, azintuzyonse zimbi mbuli ezyo, a—a kucita zintu, elyo kumalekela kunjila mu kabunga kalanga basondokede. Kwakali kujula myoyo yabo, bantu batakwe kaambo, nkabela dyabulosi wanjila kutola busena. Kuli dyabulosi wini!

⁷⁸ Nda kali kubala awa oko umwi nkwa kaboola ku... Nda syoma wakali Irenaeus na Martin, omwe, (bamwi basicikolo ba Bbaibbele bakaiya kabotu muli ceeći kwinda Ndime), kajisi musyini wa ngolide ku mutwe wakwe, kasamide cikobela cituba, mabbusu kabikkidwe ngolide, a kuti, "Ndime Kristo, ko Ndi zumina!" Oyo musalali ta kacicita. Oyo musinsimi wini wa Leza wakaima awo, wakalindila. Elyo ba kati ziindi zyobile na zyotatwe kuli nguwe, "Ndime Kristo, ku Ndi zumina!"

Wa kati, "Kristo wesu tabooli mbuli boobo."

⁷⁹ Mbo mbubo, weeledge kuziba Ijwi! Amu kkale aa Ijwi! Mwabona, nkondo mpatti ili afwaafwi. Lino, twa kasobana mbungano kwa myaka a myaka, pele oora lyasika lino kuti cindi Jambre a Janesi bayo kazya Musa mbuli Bbaibbele mbo lyakaamba kuti bayakucita. Elyo iyooba nkondo ya kumuuya, kulwana. Kuyooba bamwi bayo zumanana buyo, i mbungano

ya kabungwe iyo zumanana buyo kweenda mu bweendelezi a kuzumanana nzila mbo yeenda. Pele Nda amba musyomi wini uboola ku busena bwa nkondo obo, elyo ncibotu mwakaiya kabotu a kuziba eco ncokali kucita, nape inga watambula muuya mubi cabutete a kuta ziba. Ikuti na ciliimpene ku Ijwi eli, uuta cisyomi! Amu kkale a Ijwi eelyo!

⁸⁰ Bukombi bwamituni, bukombi bwamituni mbwa kaindi, mbwa kaindi okuno mu United States. Elyo myaka yakainda, bama India ba Pueblo, akokuya mu Arizona, bakali jisi bukombi bwamituni. Elyo, eco cakali, ba—ba kajisi kaleza ka mvula. Elyo kaleza kamvula kakali...kubweza ii—ii fulwe wa muntimba, nkabela bakali kupanga cinkozya ca fulwe wa muntimba. Elyo baka bikka tudomwi ali nguwe mbuli mbwa kazwa mu ntimba. Elyo bakali kuli waala beni kumbele lya oyu fulwe wa muntimba, kabasyoma kuti kwakali kaleza kamvula kakaselukila muli fulwe oyu wa cipapa wa muntimba akukanana kuli mbabo kwinda muli fulwe oyu wa muntimba. Nkaambo bakasyoma kuti i...wa kapona mu ntimba a mudumo, nkabela wakali kaleza kuli njyio. Ba kajisi ii...kwakali kuyeeyela buyo kwa zyansiku, buyo ii—ii kulicengeezya kuti nkwa bwini.

⁸¹ Lino, elyo bakali ku komba madaimona mu kucita boobo. Kukomba fulwe wa muntimba, kabayeeya kuti wakali kaleza ka mvula, ba kaleta muuya aali mbabo, masimpe, nkaambo baka jula myoyo yabo kuli ncico. Pele wakali muuya uulubide!

⁸² Bantu banji loko sunu bali mukujula myoyo yabo ku cintu cilubide! Mula jana muuya kabotu, pele ziindi zinji ula likazya Ijwi, kaamba, “I mazuba aa maleele akainda! Kwiina cintu cili boobo mbuli *eci* na *eco*.” Amuyeeeye, oyo ngu dyabulosi kunsi lya kulicengeezya kwa Bunakristo. Leza kotugwasya cindi twa selemukila muli ceecei kwainda kaindi kaniini, kuti mu cibona, mwabona, kuti walo muuya mubi mu kulicengeezya kwa Bunakristo. Pele tauli Muuya wa Kristo, nkaambo Muuya wa Kristo uboola ku Ijwi ziindi zyoonse. Ta konzyi kukaka Ijwi Lyakwe Mwini.

⁸³ Lino, cindi Bunakristo nibwa kasika ku Rome, Rome, mu muunzi nguonya wa Rome, kajisi matempele ali myaanda yone abupagani mukati ka bulambo bwa mamaile aali ciloba. Matempele abupagani ali myaanda yone, nkabela twakali tuleza twaalumi atwanakazi. *Tuleza twaalumi tuleza twanakazi*, “banakazi a baalumi.” Baleza, bamwi bandeene bali myaanda yone. Amu ciyeeye, myaanda yone!

⁸⁴ Lino, nce ncico Paulo nca kajana cindi na kasika ku Rome. Eco nce ncico Akula a Prisila ncoba kajisi cindi niba katumwa kuzwa ku Pentekoste a kuyaka mbungano mu Rome; nce ncico ncoba kanjila, kukomba kwa bupangani ibwa mituni. Kwakali bantu bakali kutandila ku mamilioni obilo mu Rome, mu dolopo pati lya Rome; nkuti, bazike, alimwi madolopo maniini ali anze,

abumwi, bantu batandila ku mamilioni obilo. Pele malambo kazunguluka Rome akali mamaile ali ciloba. Elyo mukati ka mamaile ayo aali ciloba, nkoonya kunsi lya mulundu, kwakali matempele ali myaanda yone abupangani, ku tuleza twaalumi a twanakazi twa bupagani.

⁸⁵ Lino, Ndi yanda kukanana awa kwa kaindi buyo kaniini aa cintucimwi nce Nda gwisya kuzwa ku makani aakale, alimwi Ndi jisi comwe mpoonya awa a ndime. I nzila mbo bakanjila mu kukomba, mbobuti mbobaka boola ku kukomba? Mbobuti mupagani mbwa kabola kukomba? I cintu citaanzi nca kacita cakali cakuya ku tempele a kuyo jana mupaizi, mupaizi wa bupagani. Mpawo wa kali kunga wamupa mulumbo wa mali manji loko, elyo mpawo cituuzyo, munyama, kubotezya kaleza ako nkwa kali kuyo kanana.

⁸⁶ Elyo mu ziindizimwi, mu tempele lyomwe, kwakali kuba tuleza tunji twa misyobo yandeene. Kwakali kuba “tuleza, tuleza twanakazi,” a zintuzyonse zimbi, mu tempele lyomwe.

⁸⁷ Aboobo mupaizi wabupani... Wa kali kuunka kuli nguwe a kumupa mali, a mupaizi wa bupagani wakali kumu josezya nkendulo, nkendulo buyo wa bunzuka ya lyoonse. Elyo mpawo mukombi waka bweza eyi nkendulo, nakamana kubbadeila mupaizi, katola nkendulo eyi a kwiinka okuya ku cipaililo cimwi ca kaleza aka nkwa kali kuyanda kwaambaula awe. Elyo aa cipaililo eci kwakali mulilo, oko cituuzyo nko cakali kuyo umpwa. Ku tende lya cibumbwa, tempele pati ya mukuba, na—na mutuni, alimwi wa kabweza eyi tem-... eyi nkendulo akwiiyasya kuzwa ku cipaililo ca mulilo, cipaililo ca mulilo ica mutumi oyo wa kayasya nkendulo akuselemuka kunsi lya—lya cipaililo kumbele lya i—i mutuni, akubikka eyi nkendulo ansi. Elyo mpawo kumane wa kabikka nkendulo ansi...

⁸⁸ Ndi yeeyela kuti nkaleza keni akati ka tuleza tumbi tonse inga waziba buyo kuti nguuli umwi wa zibumbwa ngwa keelede kunjila, nywebo mulizi, kujoka a kwaambaula kuli nguwe. Baa nkendulo, Ta ndizi. Pele wa kali kunga wabikka nkedulo ansi, wayasya kuzwa ku mililo ya cipaililo.

⁸⁹ Elyo mpawo wa kali kujoka ku cibuye ca cikombelo, elyo alya wa kali kufugama mwini a cipaililo. Elyo awo wa kali kunga wabikka buntu bwakwe boonse, nguzu zyakwe zyoonse mu mupailo wakwe, a kukomba kuli oyu kaleza kapati ka musyobo umwi, kulicengeezya, kaleza kakuyeyela buyo, kupaila ku kaleza aka kuti kaseluke ansi mu cinkonzya eci akwaambaula kuli nguwe.

⁹⁰ Kwa kategwa, “Umwi wa masimalelo wakali kukonzya kufugama mwini kunembo lya cikozyanyo ca Apolosi cakuti wa kali kukonzya nconzyo kwaamba kuti wa kamvwa majwi kaazwa ku temp-... kuzwa i—kuzwa ku mutuni, ku muvwiila.” Kalifugamika mwini!

⁹¹ Inga waamba ambaakani eyi, "Mukwesu Branham, sena wa kalimvwa jwi?" Nse zumbauzyi pele eco nca kacita, pele lyakali jwi lya dyabulosi. Kwakanyina cintu cili boobo mbuli Jupita, i kaleza, a tuleza otu toonse ntoba kajisi.

⁹² Pele bakafugama beni, akulala alya a kukomba, kakomba aka kaleza kamaseseke nko batakazi kujatikizya cintu, kuciindi muuya wakwe niwakali mu mutuni ngo bakali kuyeeya mbwa kali kulibonya. Ba kapanga cinkozya kuli nguwe, nkabela eco caka jana luzyalo a nguwe.

⁹³ Mpawo baka panga cipaizyo. Mpawo cindi nakali nyanyamusya konse kuba mu kulimvwa oku, ula unka kutala alimwi kumbele lya mutuni a ciindi eci mupaizi wa buhedeni waka mu selusya cakulya cimwi—cimwi a kunywa, a kucibikka ku matende aa mutuni. Elyo mpawo....(Lino, Ndili....lulembedwe awa aa peegi eli, Ndila lubala mpoonya awo. Mwabona?) Elyo wa kali kuselemukila ansi lya mutuni oyu, a kubweza eci cipaizyo cakunywa aku ciswimpa, a kuluma aniini ali cakulya, elyo mpawo ku citila a matende amutuni.

⁹⁴ Ino wakali kucita nzi? Kaba a mulalilo amadaimona; kakwabana a madaimona, tuleza twaalumi a tuleza twanakazi. Cikozyano i—i buyo cacimvule mu kulaalila kwa Munakristo a Kristo, kulya mulalilo. Oyo wakali musyobo wa mbungano ntaanzi na bamuzwakule bataanzi iba Makanimabotu (abo bakasika ku Rome) kujanwa, wakali mu bantu aba mu musyobo oyu wa kukombela.

⁹⁵ Baala wakali kaleza kakazizilwe kapati ka bukkalao bonse, ka mituni, wakali Baala (B, bobilo ba a, 1), wa kali kaleza kazuba. Elyo mpawo wa kajisi ii—ii mukaintu, kaleza kamweezi, kaleza kanakazi, Ishtar, I-s-h-t-a-r, Ishtar. Akwalo lyaambwa kuti, A-s-t-a-r-t-e, "Astarte." Lyakali aa kkobili lyaba Roma. Waa kaitwa kuti kaleza kanakazi, kaleza kamweezi, na "namalelo waku julu, banyina wa tuleza," kaleza kamweezi. Elyo kaleza kazuba wakali Baalimu.

⁹⁶ Ee, kutandila bapagani boonse bakali kukomba zuba eelyo. Abalo bama India bakali kucita cintu nciconya cindi—cindi ni twa kasika, kujana America awa, cindi America niya kajanwa. Boola, bamatata bakaboola okuno, ba kajana kuti bakali kukomba i—i zuba. Nkaambo, muli ceecei, bakali kukomba.

⁹⁷ Eyo nje nzila mbo bakali kukomba tuleza a tuleza twanakazi mu Rome, cindi Munakristo nakasika ku Rome.

⁹⁸ Lino, mu lweendo lwangu, Nda kabona kuti bukombi bwamituni tabuna cinca. Alimwi akwalo Bunakristo bwini tabuna cinca. Bobilo bu jatilila masena abo, alimwi bayooba mane ku Kuboola kwa Mwami Jesu. Ali ceecei inga Nda yanda kukanana aniini buyo, kutegwa mujane muzeezo wa ncico, elyo ikuti na muli basimuuya moyo cijata ncobeni.

⁹⁹ Nkaambo kakuti Baala wakali kaleza ka zuba, ee, zibunge zya kabambwa . . . Elyo Jeremiya wakati awa, twa kanana kaindi akasyonto kainda, kuti banakazi bakali kujikila Baala zibunge, kaleza kazuba. Nkaambo, kwamana mujana eco, ansi mu chipati, ikuti na mwa cibala, kuti ba kati, “Ikuti na ta tukombi Baala mpawo zisyango zyesu zila kakilwa, nkaambo Baala wakali kaleza ka camutunzya.” Mu majwi amwi, “Tu lizi kuti zuba lilabamba zisyango kukomena.”

¹⁰⁰ Pele musinsimi waka baambila, “Nku kaambo kakuti mwa musiya Leza, ako nkekaambo zisyango zyanu ncozi ta komeni.”

¹⁰¹ Pele bakali kukomba Baala, kati bayo “Mukomba, kubamba zipaizyo kuli nguwe.”

¹⁰² Lino, ikuti na Baala walo nkaleza kamubalo . . . (Lino, amujate eci, ijwi ku ijwi, nkabela muoyo jana cimwi, mamanino aa Mulumbe oyu.) . . . kaleza kakali kaleza kamubalo, kaleza kazuba, ba kajisi cakaango cipati ca mukuba eco cakali kutondezya zuba akulibonya mbuli mulilo. Elyo mpawo cinkwa eco Jeremiya nca kaamba awa kuti ba . . . banakazi bayo jika zibunge ezi zya Baala, kuti caka bambidwe mu mubalo mbuli zuba. Ee, mpawo, caka bikwaa aa cipaililo, cipaililo ca bupagani, ca mulalilo, a kubambwa mu mubalo mbuli zuba na mbuli mweezi, nkaambo wakali kaleza kazuba na kaleza kamweezi.

¹⁰³ I . . . Baalimu wakali, kuti twa kati, “Kalo nkaleza ka camutunzya konse, ka bamba zintuzyonse kukomena.”

¹⁰⁴ Lino, mbungano ntaanzi yakasika kulanganya eci cindi banjila mu Rome. Elyo kwa kaambwa a kusyoma kwiinda ku mbungano yaba Roma, na kwiinda ku mbungano asunu, na mbungano ya Katolika yaba Roma, eyo yiitwa kuti “Katolika . . .”

¹⁰⁵ Toonse tuli ba *katolika*. Tuli Mbungano ya katolika, tuli ba katolika ya buapostolo. I *katolika* yaamba “boonse munyika.” Elyo tuli Mbungano ya boonse munyika mboizulwa iya Lusyomo Iwa buapostolo. Iiyi, munene. Kuli Iwaandaano akati ka mambungano obilo; imwi yazzo yakali katolika, yaboонсе, *buapostolo*; imwi imbi yakali Katolika ya *Roma*.

¹⁰⁶ Elyo kwa kaambwa kuti Petro . . . na bala cisyoma, kuti Petro wakayaka mbungano yaba Roma. Ndi yanda Lugwalo, Ndi yanda busena obo mbo mukonzya kwaamba kuti Petro wakasola kuba mu Rome kensi lya ziimo zili zyoonse. Mbuli mbungano ya bana Roma mbo yakaamba, “Wa kali kokuya kuzwa ku 41 kusikaku 46.”

¹⁰⁷ Elyo, ku cindi eco nciconya, Claudius wakali muleli mu Rome, waka citya boonse ba Juda kuzwa. Amubale Incito, chipati ca 18, nkabela muoyo jana kuti Paulo, cindi nakaunka kutala ku Efeso, wa kajana Akula a Prisila, abo bakali ba Juda mubwini, alimwi baka gwisigwa mu mwaakwe wa ciindi ca

kupenzegwa, alimwi bakali awa mu Palestine alubo nkaambo Claudius waka lailide ba Juda bonse kuzwa, Banakristo abana orthodikisi bonse. Akula a Prisila bakayaka mbungano mu Rome, nkabela baka cita kuzwa nkaambo ka kubuka kwa Claudius, waka gwisizye mbungano yoonse...na Banakristo aba Juda boonse kuzwa mu Rome.

¹⁰⁸ Lino, “Petro mukuba bishopo wa mbungano,” alimwi Nda konzya kumutondezya Lugwalo, kuya kulaale kunselelo kutandila myaka ili makumi ali ciloba, kuti Petro takali kuzwa mu Palestine. Moonya mu Lugwalo! Elyo mwaamba kuti “Petro waka jailwa mu Rome, nkabela Paulo waka gonkwa mutwe wakwe mu Rome.” Ako nkayanza kabuzumini. Nda kabala koonse ka lwiiyo Iwabakajailwa buzumini bwabo Ndwe ka konzya kujana, nkabela taakwe umwi wabo waamba cili conse cijatikizya Petro a Paulo (naba umwi) kujailwa mu Rome. Ku makani amwi mataanzi akuyeyela kwa zyansiku nko tukonzya kubala, taakwe umwi wabo wa kaamba cili conse kujatikizya ncico. Ta kali obo! Nkayanza kabuzumini.

¹⁰⁹ Ndili waano kuyutulula bupangani, aboobo tuyo—tuyo cita ceeco ku lugwasyo lwa Mwami a Ijwi Lyakwe, mwabona, kumu tondezya buyo obo mbungano mboibede. Nywebo moongolola kujatikizya “Katolika!” pele amulindile buyo maminiti masyonto.

¹¹⁰ Lino, lino, tu jana kuti kumane Akula a Prisila (kweendelana ku Lugwalo) baka gusigwa mu Rome, mbungano niiini ya kasyaala mbuli mucaala, boonse bakali mukati omuya bakali bapangani bakasandulwa abo ba kaboola mu mbungano ya Banakristo iya Roma, mbungano ntaanzi eyo Akula a Prisila a banabukwetene bambi kuti kayakide eyi mbungano a kwiibamba kabotu.

¹¹¹ Mpawo tu jana kuti, mbo bakazwida buyo, bakali janina bamabbishopo babo a kubweza njiisyo yabo beni, elyo mpawo bakasala...ku kujana coolwe kuli simalelo, Constantine, abaabo baka sikila musule, ku kujana coolwe, nkaambo baka cita kunjizya mamembala omuya kuyo imikila mu kujata kwa tunzenyu twa cisi. Ba kaleta mamembala aa mbungano, a kuba bikka mukati (“kulondoka”) kulyaambilila buyo, kutaziba buyo Leza kwinda bamwi bantu aba mbe tujisi mu America sunu mbo bacita; mbuli buyo kwaamba, kwakali kuluula kupati kuli mbabo kwaamba Kristo, Leza umbi kunze lya kaleza kabo kambi. Alimwi omuya baka sala, mu mulao wabo wa mbungano, mapobwe abupagani.

¹¹² Lino, mupaizi muna Roma, mpawo bakasala eci kwiinda mu kulya a kubamba mulalilo. I cintu citaanzi cakayutuka cakali kupanga mulalilo. mibusena bwa kabeela kakomwedwe mbuli Mubili wa Kristo, bakali kuupanga kuba *wamubalo* mbuli zuba na mbuli mweezi. Alimwi kusikila sunu ucili mu mubalo!

Masimpe. Kacili ka woofa kamubalo, alimwi kutali kabeela kakakomonwa ika Mubili Wakwe. Kali mumubalo akabotu. Bapaizi ba Roma sunu bala kabikka aka ka woofa kamubalo a cipaililo a kukaita kuti “I Mubili wini wa Kristo.”

¹¹³ Lino kuli citantamuzyo cipati akati ka bamwi aba bana Episcopalia abamwi. Elyo mbungano ya Katolika ili aa ciiyo eco, naa walo Mubili *wini* na *wiiminina* Mubili. I muna Katolika wa Roma ilaamba “walo Mubili wini,” nkaambo oyo wakali mubili wini wa Baala (kaleza kazuba) ako kalitondezya keni mu kabeela ako kabutale alimwi bakakamba mu mubalo. Taakwe tafule ly Banakristo lijisi cinkwa camubalo ali ndilyo!

¹¹⁴ Mpawo bakali kuyanda kulanga kujwe, azimwi zimbi, mbuli mbo bakacita mu kukomba bwa bupagani; a kuleta banakazi mukati, azimwi zimbi, mbuli buyo mbo bakacita lyoonse, mbuli bapagani ku kaleza kanakazi, azimwi zimbi. Lino baka selusya buyo Astarte akwaanzika Mariya, akumu bamba kuba namalelo wa julu. Ba kaselusya Jupita a kwaanzika Petro. Elyo bakacita kujana kayanza kabuzumini, kutegwa kucitwe eco ncoba kajisi...

¹¹⁵ Cindi Akula a Prisila niba kabweeda, kwinde myaka ili theetini ya bulelo bwa Claudius, mpawo cindi niba kabweeda baka jana mbungano yabo yakapegwa ku bukombi bwazibumbwa cakumaninina, pele yaka komena kuba cipati, cintu cipati loko.

¹¹⁶ Kutegwa kuletwe eci mukati, beelede kugusya ncobeni Bbaibbele. Lino, Ndili muna Irish, Ndi jisi eco ndyo baita kuti *Tusimpe Twa Lusyomo Lwesu* elyo luzulilwa biyo ku mupaizi, a bamwi bambi. Elyo Ndi lizi eci, a miswaangano yakubuzyanya buzyanya a bapaizi, mupaizi uyo kukazizya mu Bbaibbele, kuti Bbaibbele ndi bbuku buyo limbi kuli nguwe. Cindi oyu awa Bbishpo Sheen nakati, awa kutandila myaka yobilo yakainda, kuti, “Kufumbwa oyo usola kusyoma Bbaibbele, kwakali mbuli kweenda kwinda mu meenda aa ntimba.” Taba cisyomi Eco! Ba katalika okuya nkabela bakati, “Leza uli mu mbungano Yakwe, kutali Ijwi Lyakwe.”

¹¹⁷ Oyu mupaizi atala lya mugwagwa awa, waka boolela kubuzyanya buzyanya calino, atala awa ku Moyo Uusetekene, wa kati kuli ndime...na mbungano eyi kutala lya mugwagwa, Nda luba obo mboibede. Ndi yeeya kuti litegwa Moyo Uusetekene. Wa kaboola kuli ndime kujatikizya lubapatizyo, Mary Elizabeth Frazier oyo wakawide a kusanduka kuba muna Katolika. Wa kati, “Sena wamubbizya?”

Nda kati, “Iiyi.”

Kati, “Wa kamubbizya buti?”

Nda kati, “Mu lubbizyo lwa Bunakristo.”

Wa kati, “Ino uli munzila nzi njo wamba?”

Nda kati, "Kuli biyo lubbizyo lomwe lwa Bunakristo."

Wa kati, "Ino upandulula nzi, kwiinda kukunyikizya?"

Nda kati, "Iiyi, munene."

¹¹⁸ Wa kati, "Mwa kamunyikizya mpawo mu zina ly'a 'Taata, Mwana, a Muuya Uusalala'?"

¹¹⁹ Nda kati, "Olo taluli lubbizyo lwa Bunakristo." Nda kati, "Lubbizyo lwa Bunakristo nkunyikizya mu Zina ly'a Mwami Jesu Kristo."

¹²⁰ Wa kacilemba. Wa kati, "Sa ula konkezya ku cikonke eci, acalo, na oku kulungulula kuli bbishopo?"

¹²¹ Nda kati, "Ikuti na takonzyi kusyoma majwi angu, acicite kakutakwe ngawo." Nda kati, "Nse konkezyi ku cintu cili conse." Mwabona? Elyo wa kati... Elyo Nda kati, "Kutali kuba sikamikami, munene, pele Ndi lizi kuti Bbaibbele lyakati, 'Muta konkezyi ku majulu na aa nyika, nkaambo mbutandabilo bwa maulu Aakwe,' a zimwi zimbi. Ta tweede kucita ceeco."

¹²² Wa kati, "Nceenzu, mbungano ya Katolika yakali kubbizya boobo."

Nda kati, "Lili? Lili?" Mwabona? Pele ba laamba kuti baka cicita.

¹²³ Nkaambo, mukasimpe, bakali obo, alimwi toonse twa kali bomwe ku matalikilo, alimwi ci... i itaanzi—itaanzi kuzwa ku Pentekoste. Ayo matalikilo a mbungano ntaanzi ali onse, uli onse inga waambaula. I mbungano ya Bunakristo yakatalikila ku Pentekoste, a luzibo lwa pentekoste, bantu ba pentekoste, lubapatizyo lwa pentekoste. Zyonse zyakazwa ku mbungano ntaanzi ku Pentekoste.

¹²⁴ Lino, amubone. Lino, tu jana kuti mpawo ba kacita kuzwa ku lwiiyo lwa Bbaibbele kutegwa kube zintu ezi zya kubotezya basimalelo abamwi, ku kuleta bapagani mukati.

¹²⁵ Lino, amulange. Petro wakali mu Juda. Sa mbo mbubo? Sa inga mwayeeyela Musalali Petro kusala muzeezo wa kubikka mituni mu mbungano, mu Juda waka kasigwa akwalo kulanga koonse ku mutuni? Sa inga mwayeeyela nguwe kacita cintu mbuli eco? Kutali Petro! Sa inga mwa muyeeyela kaamba, "Oonse malembo angu kaindi kuya ku matalikilo akali lubide oonse, Ndiyo asowela ansi lino. Ndiyo ponu mbuli muuya mu mbungano eyi ya Roma, alimwi Ndiyo sala . . . ?"

¹²⁶ Ee, inga nakaba mutu wakacincwa. Nkikaako, kucita ceeco, ba kacita kutalika kayanza kabuzumini kuti "Petro waka kazikkilwa mu mbungano alimwi waka silide mbabo Milao yoonse, nkabela bakali mbungano ntaanzi ya Katolika." Ta bali obo! Taakwe Lugwalo, taakwe makani aakale nanka cintu citondezya ncico; kwiina cintu. Tiiba kabacita.

¹²⁷ Elyo mupaizi oyo wa bupagani iwa mbungano ntaanzi ya Roma ili mbubonya buyo mbuli imwi asunu. Ba syoma kuti eco cinkwa walo mubili wa Kristo, kuti kumwi Kristo ula seluka ansi a kusotokela muli ako kabeela ka cinkwa kabikkidwe a cipaililo (eco cinkwa mbeba ncoi tola masiku onse). Mwabona? Kusyoma... Elyo nke kaambo Katolika ncoisyoma kuti mweelede kuunka ku mbungano kuyo kombu, nkaambo "Leza uli mu mbungano eyo." Ako nkekambo bala kotama akweenga ciingano ali lwabo, konse ku mbungano, nkaambo "Ako kabeela ka cinkwa ngu Leza." Tacili cintu pele ciiminizyo ca kaleza kazuba ika Baalimu, kwiina Lugwalo kuli ncico nokuceya! Iiyi, ako ka woofa kamubalo kabikkidwe a cipaililo.

¹²⁸ Lino, nkikaako, tiiba katambula kuyiisya kwa Bunakristo kuti... Irenaeus, Polycarp, a bakwesu abo bataanzi, Paulo. Tu jana kuti, sikwiya wakaindi manigi wakali... kapona ciindi cilamfu loko, wakali Johane. Wa katolwa mubwaange kwa myaka yotatwe, kubusena bwa Patimosi, nkaambo wa kajisi cikolo. Wa kali kutambikizya na kubamba Ijwi lya Leza, ku Li bikka antoomwe, Magwalo antoomwe. Ba kamujana a basicikolo bakwe bapati bakali kucicita, elyo baka mutanda kwa myaka yotatwe (kuzwa ku lufu kwa simalelo wa ka josegwa), elyo mpawo wa kalemba Bbuku lya Ciyubunuzyo.

¹²⁹ Elyo mwaambaula zya "Leza mu mbungano Yakwe na Leza mu Ijwi Lyakwe na?" I Bbaibbele lya kaamba kuti Ijwi ngu Leza.

*Ku matalikilo kwakali Ijwi, a Ijwi lyakali antoomwe
a Leza, nkabela Ijwi wakali Leza.*

*Elyo Ijwi lyakaba mu mubili wabuntu, a kukkala
aakati kesu, ...*

¹³⁰ Kunze, kufumbwa kuyiisya kwa mbungano imwi, aibe Baptisti, Prasbyteria, Methodist, Pentekoste, na kufumbwa mbo inga yaba, eco tacibambi lugwalo ku lugwalo a Bbaibbele eli, luli lubide! Nkambo Johane wakaamba mu Kasuwa ka Patimosi, i Muuya Uusalala, na Kristo kakanana kuli nguwe, kaamba eci, "Ikuti na umwi muntu wagwisya cili conse kuzwa kuli Eli na kuyungizya kuli Ndilyo..." Aboobo moyo yungizya buti eci ziiminizyo zya bukombi bwa mitumi ya bupagani, kubamba tuleza totatwe kuzwa kuli Omwe, alimwi onse aya makani ambi abupagani ayo mbungano ntaanzi ngeya takasola kuyiisya alimwi ya kaalwana?

¹³¹ I Nicene Kkanso, naa Wa kali cintu cabutatu na cintu comwe, kukazyanya kupati, balo bakajaigwa nkambo ka lusyomo lwabo bakasika kutala okuya, bamwi babo a—a... Mulombwana omwe, i—i bbishopo, bakambausi ba pentekoste, ku kubikka maanza a balwazi, ba bikka musako uupya atala lya maboko akwe akukwela maboko akwe kusule mbuli *boobu*. Bamwi, kabaimvwi, oko nkoba bweza panga akudokola kugwisya meso

akwe, kuboneka mbuli nkamu ya bantu bakafwida bukombi bwabo abo bakaiminina Ijwi eli! Aleluya! Ba kasanganya bulowa bwabo ku basinsimi bakale. Eli Ijwi, mukwesu, Ndi Ijwi ly a Leza.

¹³² Cindi aba bapagani niba kasandulwa, baka leta mu ziiminizyo ezi mu Bunakristo. Taba cikonzyi limbi kubelesya Bbaibbele, nkaambo Bbaibbele lila ciyutulula eci. Elyo bayo kwaambila ndyoonya sunu kuti ta bajisi... taba syomi Ceeco. Ba lati, "Kuli kabotu, pele mbungano ndi Ijwi pati maningi."

¹³³ Ee, tula jana cintu nciconya mu Pentekoste. Muta ongololi zya "Katolika," kakuli kuli zulidwe mbubonya, Methodisti, Batisti, alimwi onse abo.

¹³⁴ Nywebo noba Methodisti, mula salala loko, nkaambonzi nco mwakajaya Joseph Smith mpawo? Eyi ngu America a nguzu zya ku komba. Nse syomi eco Joseph Smith nca kaamba, pele tiimwa kajisi nguzu zya kumujaya, yaa, Mormoni.

¹³⁵ Nywebo noba Baptisti, mbangaye mbo mwaka vumba? I bamwi banu na?

¹³⁶ Elyo Pentekoste, ila mulandu mbuli bamwi babo, iba shaati lyakanyonwa a nkamu ya kuupaupa. Elyo mubusena bwa bubombe a nguzu zya Muuya, muli jisi Ijwi kakutakwe Muuya. Elyo ula cita bubi maningi kwiinda mbo munga mwacita ikuti na mwakali mbuli bamwi babo. Kaindi mukusekelela kwabo ka bupagani antomwe a mizeezo yonse ya misyobo iya trinitaria, a zintu ezi zyonse zimbi, nco takonzyi kutondezya ku Ijwi. I Ijwi liliimpene kuli ncico. Mbo cuusisyanson, mbo cuusisyanson!

¹³⁷ Aboobo cindi niba kapanga mbungano ntaanzi ya Rome, Bunakristo, ba kacita kugwisya Bbaibbele; a kubweza oku kusekelela, kutegwa cicitwe, baka cita kuba amusyobo umwi wa ntalisyo, aboobo ba kati, "Petro wakali pope mutaanzi wa Rome. Alimwi ucicili boobo," ba laamba. Ee, atwa ambe kuti wa kali obo, sa Petro naakaleka Majwi aku Pentekoste? Sa inga mwayeeyla mu Juda kabamba mituni?

¹³⁸ Elyo cindi Nda konzya kutondezya kuli ndinywe kwiinda ku Ijwi lyakalembwa kuzwa mu Bbaibbele, mbubonya mazuba a myaka, kuti Petro kwiina nakazwa mu Palestine pele ciindi comwi (elyo wakaunka ku Babuloni kuselemukila aa Eufuleti), kwiina nakali mu Rome, kwiinda ku Magwalo, MBUBOOBU MBWAAMBA I MWAMI! Walo muzeezo onse wa bupagani.

Lino tula tondezya ceeco ncobeni mu buna Protestant.

¹³⁹ Amulange ku Pentekoste, kakutakwe kubweza Ijwi. Amukkale a Ijwi eelyo nkabela muno luleme lyoonse; mwazwa ku Ijwi eelyo, taakwe nkomuya kuya.

¹⁴⁰ Awa ciindi cimwi cainda ku muswaangano mupati a cikolo ca Pentekoste cipati, mwanakazi wakasotoka mujulu, kakanana mu myaambo, a kunyonganya lwiito lwaku cipaililo. Elyo busiku

obo cindi Ne kajoka mukati, Billy wakandi swaana okuya, wa kati, “Uli zyi cintu? Oyo mwanakazi wakati ujisi mulumbe umbi sunumasiku ngwaya kupa.”

¹⁴¹ Elyo Nda kamulanga mwanakazi (masusu ageledwe, dresi lyakali kujata loko kaliboneka mbuli kuti waa kali sindaila muli ndilyo, kakkede alya kabamba masusu akwe, kasutila masookesi akwe), Ndi lizyi kuti ula sotokela mujulu. Elyo waa kasotokela mujulu, nkabela Nda kati, “Kakkala aacuuno.” Waa kazumanana buyo. Nda kati, “Sena mula ndimvwa? Kakkala aacuuno!” Oh, ma.

¹⁴² Cindi ni Nda kazwa busiku obo, kwakali bone na bosanwe babo balombwana baka ndiswaana okuya a nguwe, kati, “Wa bisizya Muuya.”

¹⁴³ Nda kati, “Kufumbwa muuya oyo ngo Ndi bisizya kubelesya Ijwi lya Leza weelede kubisigwa.” Nda kati, “Sena Bbaibbele ta lyaambi kuti muuya wa basinsimi ulendelezegwa ku musinsimi? Ikuti na ulalungulula, eco cisinsime cili—cili... Kwaambaula mu myaambo ncisinsime ikuti na ca pandululwa.” Nda kati, “Mpawo amumuleke alindile mane Ndi manizye, mpawo inga waba ambubo.”

Wa kati, “Pele uyiisia Ijwi.”

Nda kati, “Eco nde ndilyo Nde ima alyo.”

¹⁴⁴ Wa kati, “Waa kajisi cintucimwi cipyapapu a cipyapapu kuzwa ku Julu, cintucimwi candeeene kuli Ceeco.” Ikuti na oko takuli kujoka ku Bunakatolika bwa Roma nkokuti Nse zyi na ncinzi!

¹⁴⁵ Akube kuti majwi a muntu abe abubeji a muuya onse ube wa bubeji, a Ijwi lya Leza libe Bwini. Ijwi lya Leza lutaanzi!

¹⁴⁶ Ino ndi penzi nzi sunu, bajisi ziyubunuzyo zinji loko a zintu zya bubeji. Bala lifugamika beni okuya a kujula myoyo yabo ku madaimona, mibusena bwa kukkala a Ijwi lya Leza. Awo mpempawo penzi mpolilede, eelyo ndepenzi. Bantu, basyomeka, basinizizye, bantu babotu, pele tamu konzyi ku baambila. “Ee, tula syoma *eci*, mbuli bantu ba Pentekoste.” “Tula syoma *eci*, mbuli bantu ba Baptisti.”

¹⁴⁷ Nda syoma Eci nkaambo Ndi Ijwi lya Leza! Nda zundikizya kufumbwa muntu ku ndilulamika muli Ncico. Mwabona? Mbo mbubo. Eli ndi Ijwi! Amukkale a Leeli, Obo mbwini!

¹⁴⁸ Aboobo baka panga mbungano ntaanzi, mbungano ya Katolika iya Roma ntaanzi. Elyo mibusena bwa kwiita i... *bishopo* wakwe, oyo ngo bakali kwiita lyoonse, eno ba mwiita kuti “Taata.” Ba cicita. Elyo balati awa, “We elede ku cizumina, kuti eyi woofa *walo* Mubili wa Kristo. Elyo, mu kusakana obu, mupaizi walo nkaleza, nkaambo Leza uli sinikizidwe kuswiilila ku jwi lya mupaizi eco cincinca woofa eyi kuba Mubili wini wa Kristo.” Elyo mpawo bantu basongo abo balekela eco kusyonkwa mu tumeneno twabo! Oh, ma! Oh, obo...

¹⁴⁹ Pele bakombi beni, mabbishopo bakasimpe, baka kkala a Ijwi. Ba kakkala mpoonya alya muli eyo Nicene Kkanso, baka lijata elyo Ijwi mpoonya alya. Iiyi, munene. Ba kaboola mukati mbuli bantu bakajaigwa nkambo ka lusyomo lwabo, zintuzyonse zimbi, pele baka kkala a Ijwi eelyo. Tii bakali kuyanda bukombi bwa mizimu nobuceya.

¹⁵⁰ Elyo Ndi yanda muntuumwi kundi tondezya awo Musalali Patrick mpa kali muna Katolika wa Roma Lyonse. Kwiina cintu cili boobo! Wa kazya mbungano eyo yaba Roma. Wa kali mujwa wa Musalali Martin. Nda kali kubala awa, mu... ii mwanakazi wa kalemba ii... Hazeltine, Muka. Hazeltine, *Tutendululwa lwaku Nicene Kkanso*, kaamba kuti waa kainka ku kkadi lyaku Oxford kuyo jana i—i kkadi lya i, kubweza, *I Buumi bwa Musalali Martin*, alimwi oyu mulombwana wakati, “Pele wa kabambwa kuba mupaizi a mbungano ya Roma.” Nee nconzyo, wa kacikazya cintu! Elyo mbubonya Musalali Patrick mbwakacita. I bantu bakakkala a Ijwi lya Leza bakayaka zikolo zyabo beni, baka tantamuka kuzwa ku musyobo wa zintu.

¹⁵¹ Lino, tu jana kuti, mbubonya mbo cibede asunu. I mbungano yaba Roma ila zumanana ncobeni a mabbisiketi ayo ngaonya ali mumubalo, kabasyoma kuti Kristo ula seluka a kusotokela mukati. Elyo, amuswiilile, sena mulizi kuti mupaizi ulanywa waini? (Cindi, baleleede kuunywa umwi kuli umbi, “Wa katambikizya nkapan kuli umbi.”) Pele, mu ciimo ca bupagani, bapaizi bala unywa waini. Mwabona? Yebo uci... Mbupagani boonee! Mbubonya buyo. Tabakwe ndaba.

¹⁵² Bala kwaambila, “Nse kaambauli kuli nduwe kujatikizya Bbaibbele.” Oyo mukutausi, na mupaizi, wakati kuli ndime kutala okuya, katì, “Ba. Branham, musola kwaambaula makani aa Bbaibbele, Ndi kanana zya mbungano.”

Nda katì, “Leza ndi Ijwi!” Mbubo. Lino, ncibotu.

¹⁵³ Tula jana muli ceeci, ku buzuba obuno, nke kaambo mbungano ya Katolika yaba Roma nco yeelede kuunka ku cikombelo kuyo komba. Ba kayiisa kuti “Leza uli mu woofa eyi yamubalo, Cinkwa camulalilo mu cikombelo.” Mwabona? Sa tamu konzyi kubona kuti eco nca bupagani? Masimpe, mbo cibede.

¹⁵⁴ Sa tamu konzyi kubona kuti bantu bayo sala cintu-kufumbwa cintu ciimpene ku Ijwi eli ninkamu njionya? Sena Bbaibbele, mu Ciybunuzyo 17, taliiti mbungano ya Katolika kuti “sikuvuula”? Sena tii Lya kaita ba Protestant kuti banyina...kuti waa kali “banyina wa basibwaamu”? I cintu nciconya! Waa vozya njiisyø kuzwa ku nkomeki yakwe ya busofwi bwa bwaamu bwakwe, tombe a busofwi, bupange bwa mutu buyo, mubusena bwa Ijwi lya Leza muumi lya bwini a linjoloma.

“O Leza, kotu fwida luse,” ngo mupailo wangu.

¹⁵⁵ Irenaeus wakati, Nda kalemba bulembu awa eco nca kaamba, kati, “I Ijwi lya Leza lili mbuli nkamu mbotu ya ngale zibotu zyaka bikkwa ku panga cibumbwa ca Mwaami, mupati singuzu. Pele,” kaamba, “tunsiyansiya, tuyanza twabuzumini, tubungwe, kutola ngale ezyo zibotu akupanga ciwa ca mubwa kuzwa kuli nzizyo, a kucenga batakwe luzibo mu Ijwi. Eci bala cita kukubisia nzila zya Leza a kuleta sampa aali Ndilyo.” Aleluya!

¹⁵⁶ Cindi wasola kubamba Ijwi lya Leza kwaamba cintucimwi ceelela kabunga kako, uguusya ngale mu Mubili wa Mwaami mupati a kupanga cinkozya ca mubwa, na mwaaba, na nkutula, na cintucimwi, kuzwa kuli ncico. Alimwi ucenga batakwe luzibo mu Ijwi.

¹⁵⁷ Aleluya! Kuli bamwi bajisi Muuya wa Leza, abo baiminina Ijwi lyalifungula. (Leza, koyungizya zyuuno zyesu.) I Ijwi, taakwe cintu cita Ijwi! Kobweza eelyo Ijwi awo Jesu mpa kaamba omuya, “Oonse majulu a nyika ziyo loba, pele Ijwi Lyangu tali kaciti.”

¹⁵⁸ Awo mpo Lya kaamba, “Amu bbizye mu Zina lya Mwami Jesu Kristo”; babamba “Taata, Mwana, Muuya Uusalala,” baleza botatwe kuzwa kuli Nguwo. Bala bweza misyobo yoonse ya tuyanza twabuzumini, a kubamba misyobo yoonse ya zintu, a kusansala mibusena bwa kunyikizya. Zintuzyonse! Kupanga musyobo umwi wa ntimba yakapangwa abantu kuzwa kuli ncico, mibusena bwa kucibikka mu Ngale, mu Mwaami mupati, Kristo.

Oh, Aleluya! Oyo ngu Leza kalifungula, Kristo!

¹⁵⁹ Ba kabisya nzila zya Leza. Kulekela bantu kusika mu mbungano, banakazi amasusu ageledwe, kabali pentede misila, kusama madresi aboneka cisapi. Baalumi bakakopama loko, akulekela mwanakazi kubeenzya konse mu mootokala. Kuboola ku mbungano, a kuuma misobano ya bbanko a bbingo, a misyobo yonse ya zintu zinyongene. Elyo bakambausi abamwi aa nkomwe, antomwe banakazi bazinswe kabasamide zisani zyakusambya a kuunka kuya kuyamba, kufweba misanga yatombwe, a kuliita lwabo cuti “mbalandu ba Leza”; cindi tempele eli ndi tempele lisalala lituulidwe kuli Leza, kutali busofwi bwa inyika. Bwalo mbwini. Pele baka bweza ngale zya Leza akupanzya nkutula, na mwaaba, na mubwa, na insimba, na cintucimwi, a kucisanizya kuli batayiide, i bantu batakwe luzibo.

¹⁶⁰ Nda kulumba, Doc. Nda jisi komwe awa pele tii Ndali kuyueya buyo kujatikizya ku kabelesya, katambala.

Iiyi, eco ncoba cita. Irenaeus wakali luleme kapati—kapati.

¹⁶¹ Ino ncinzi Leza nca yeeya kujatikizya zyoonse ezi? Sa cili buyo mbuli eco ncoba kasola kwaamba, “Oh, tacikwe makani kuli Nguwe”? Cila makani kuli Nguwe! Cili jisi nkani.

¹⁶² Nkaambonzi Nca kaambilia Jeremiya zintu ezyo Nzya kacita kaindi? Nkaambonzi Nca kaambilia ceeco? Cilaa makani. Leza uli jisi nzila.

¹⁶³ Ino kuti Musa nakati, “Njo samununa ngowani yangu mibusena bwa mabbusu angu”? Na taka cibona cilengaano. We elede kuboola mu nzila ya Leza. Leza uli jisi nzila.

¹⁶⁴ Kuli kunji loko nko tukonzya kwaamba. Atu jule buyo Lugwalo lomwe awa. Ndi jisi manji awo alembedwe aa pepa. Atu jule ku Myeelwe 25, anini buyo. Myeelwe 25, tula bona naa ci—ci la makani kufumbwa cintu kuli Leza, na pe. Atu bone na cila cita, naa otu tunsiyansiya, tuyanza twa buzumini (azimwi zimbi) tula makani. “Ngu Leza mubotu, Ula ciindilila buyo cintu coonse.” Ula cita! Ula bikka muncali akuli waala kuzwa atala, nkabela weelede kusika kuli Neico.

Elyo Israyeli yaka kkala mu Shitimu, nkabela bantu baka talika kucita buvuule a bana basimbi ba Moabu.

(Amuswiilile!)

Elyo baka itila bantu ku cituuzyo ca tuleza twabo: nkabela bantu ba kalya, a kukotamina tuleza twabo.

Elyo Israyeli yakali swaanganya kuli Baala-peori: nkabela bukali bwa MWAMI waka bukila Israyeli. (Ta cigambyi Wa kat “Uta upailili oyo musyobo wa bantu”! Huh?)

Elyo MWAMI wakaambila Musa kuti, Jata boonse basilutwe ba bantu, aku basina kumbele lya MWAMI antangalala, kuti bukali bupati bwa MWAMI buta ntamunwe kuzwa kuli Israyeli.

Elyo Musa wakati ku babetes ba Israyeli, Amujaye muntu wakwe aumwi kuti...kaswaanganisigwa kuli Baala-peori.

¹⁶⁵ “Jaya umwi aumwi wabo!” Leza uyanda kuba Leza, alimwi ikuti na Tali Leza Ta kabi busena bwabili. Ta elede kulekela Baala (a buzumini bumwi bwa kabambwa aamuntu, a lwiiyo lwa muntu umwi, na muzeezo umwi wa kansiyansiya, na muzeezo umwi wa ii—wa kabungwe) kwiima mu nzila Yakwe, Ngu Leza alimwi Ula konzya ku mabwe aya kubusya bana kuli Abrahamu. Ta elede kuba a tubungwe twanu. Ta eeledie kuba a nsangano zyanu zipati a zikolo zyanu a zintu. Ula bweza eco Nca konzya kubikka mu janza Lyakwe, eco tacili cintu, kuyoyela buyo kuyoya kwa Buumi muli nguwo nkabela caba cintucimwi ciyo Mu belekela. Eco nce ci Mu bamba kuba Leza. Nconzyo, cili jisi makani kuli Leza.

Nywebo mwati, “Ta cikwe makani.” Cili jisi makani! Nconzyo, cila makani.

¹⁶⁶ Poopu Leo Mupati, wa kalela kuzwa ku 440 kusikila 461. Oh, wa kayeeya kuti wakali kucita ncobeni eco caka luleme, boola

mu mbungano... Kataninga kuba Victor, alimwi wa kali mbeba, awalo. Elyo wa kanjila omuya, a nzila mbwa kabikka Banakristo mu lufu a zintuzyonse zimbi.

¹⁶⁷ Elyo mpawo nguni wakatalika zyoonse ezi, kuzibikka “kuba mulao” kujaya? Nywebo mulizi kuti wakali ni? Musalali Augustine waku Hippo, oyo ngo nguwe wakacicita ncobeni.

¹⁶⁸ Musalali Augustine wakali jisi ciindi ceelede, aboobo kaamba makani aakale, kuba muntu mulemu a kuzuzigwa Muuya Uusalala. Ula kkala kunze lya lubuwa okuya, mu Lyons, France, ku cikolo eco cipati oko Irenaeus nkwa kayiisya, a balo a Musalali Martin. Wa kakkala mu lubuwa olu lwa cikolo a Muuya Uusalala wakaboola kuli nguwe, pele waakaka Kuu tambula.

¹⁶⁹ Mpawo wa kaba nzi? Ii mwana wa gehena kobilo kwinda mbwa kabede kukutalika, wa kazumanana ncobeni kuselemukila ku Hippo, Africa, ngooyo waka bamba cikolo cakwe. Elyo cakali...

“Nditondezye!”

¹⁷⁰ Nda konzya kumutola ku makani aakale. Wa kali nguwe wakazumizya jwi lyakwe kuli ncico, kuti, “Ca kali kabotu kujaya sibuzumini bwandeene uli onse oyo unga taka zuminana a tuyanza twa mbungano yaba Roma,” Musalali Augustine waku Hippo. Sa kuli sicikolo wa Bbaibblee awa, na muntuumwi oyo wakabala makani aakale, ulizi kuti obo mbwini, tambika janza lyako? Inzya, mwabona? Masimpe mbo babede. Musalali Augustine waku Hippo, wa kali nguwe wakapa muzeezo wa kukosola kaambo kuti “Ca kali kabotu kujaya basibuzumini bwandeene abo bakakazya mbungano ya Roma.” Kubazumizya njiisyo ya buhedeni, kuzwa ku Bbaibblee, a kuyaka bukombi bwa kaleza ka mwana. Nywebo mulizi kaambo Bunakristo mbo bubede...

¹⁷¹ Nywebo mulizi awo mpo mujana Krisimasi na? Kristo waka zyalwa mu Mukubwekaangala, pele ncinzi ncoba kacita? Bubambwe bwa zuba amapulaneti buya bucesya lino mbuli mboli tantamuka, buzuba abumwi kabuya buya aniini, na kuceya aniini, a kuceya aniini, akuzwa mu tweenti kusikila mu tweenti faivi cindi kaleza kazuba nikaka jisi buzuba bwako bwakuzyalwa. Atandila buyo kuba mazuba osanwe okuya, eco nce cindi niba kajisi basikusangabalizya ba Roma bamisyobo yandeene mu ciindi eco, kusekelela buzuba bwakuzyalwa bwa kaleza ka zuba ku ciindi eco. Elyo lino mwabona ncomu jisi lino? “Ba kati koibamba kuba ‘kaleza kazuba,’ atu cibweze kuba ‘Mwana wa Leza.’” Elyo cintu coonse mbupagani kuzwa kumatalikilo! Alimwi bantu mu tugwagwa kaba samide mabbusu abo malamfu ku tusindi, nkabela bala libbwayaula akuselemuka tugwagwa, akunjila mu zintoolo.

¹⁷² Elyo okuno buzuba bumwi mukaintu wangu wakali kundaambila kuti, “Umwi wakati, ‘Nse zyi eco cakuulila Taata.’

Kati, ‘Mukwesu uya kukumu janina kabeela ka whisiki, alimwi umwi wa kati uyo mujanina bukoko bwa champani.’ Elyo umwi wakati, ‘Ee, Ndiyo muulila ii—ii pakete lya makaadi anjuka.’” Kusekelela kwa Krisimasi, bukombi, bupagani bwa dyabulosi! Yaa.

¹⁷³ Pele Augustine waka buzumizya. Ikuti na muyanda kutondeka kuli ceecei muuli lya Schmucker, malembo a Schmucker, S-c-h-m-u-c-k-e-r-s, *I Glorious Reformation* ya Schmucker, nceeci cintu ca kaambwa, kuti, “Kuzwida kuciindi eco Musalali Augustine waku Hippo wakapa muzeeso oyu wakukosola kaambo ku mbungano ya Katolika, caka bajulila mulyango ku kujaya cili conse ncoba kali kuyanda mpawo, eco caakaka mbungano eyo ya bupagani. Elyo kuzawa ku ciindi ca Musalali Augustine, kutandila myaka ili myaanda yotatwe kuzwa Kristo, kusikila 1850, kujaigwa kupati kwa bantu mu Ireland, kwakali ba Protestant bali mamillion ali makumi ali lusele acisambomwe baka jaigwa aa mbungano ya Katolika. Ayo aajanwa mu makani abama Roma aajatikizya bakajailwa buzumini bwabo, ‘Mamillion ali makumi ali lusele acisambomwe.’” Lino kukwankana a simakani akale, ngo nguwe wa kaamba ceeco. Ndi loolola buyo ijwi lyakwe. “Muntu oonse oyo uta zuminani a kansiyansiya ka Katolika!”

¹⁷⁴ Kutali *katolika*, ibbalala katolika, ta—ta beeelwelwi kuba a zina eelyo. Balo mbapagani ba Roma.

¹⁷⁵ Kutali abo bantu bayandisi. Kuli makumi aa zyuulu zya bantu okuya, cakusinizya buyo mbuli mbabo... kufumbwa simituni umbi mbwabede. Ba yeeya kuti bakomba Leza, kakuli (kujoka ku Ijwi) bali mu mutuni a mituni koonse ku busena. Mwabona!

¹⁷⁶ Yaa, kakali kaya-...kayanza kabuzumini, kayanza kabuzumini bwa Roma. Alimwi, amuswiilile, Ndi yanda kwaambla cintucimwi awa. Nda ka ciindilila eco.

¹⁷⁷ Mu mwaka wa 1640, mu mwaka wa 1640, cindi kujayaigwa kwa Ireland nikwa kasika, kunsi lya basimilao bakubwene ba Roma a bapaizi, bali zyuulu zili mwaanda iba Musalali Patrick baka jaigwa. Ikuti na Musalali Patrick wakali muna Katolika ya Roma, mpawo nkaambonzi ncoba kajaya bantu babo beni? Balo bakali bantu baali kubeleka mu fakitori, a zintuzyonse. Mbo mbubo. “Zyuulu zili mwaanda oomwe,” aamakani abakajailwa buzumini bwabo, “mbo bakajaya nkaambo tiiba kazuminana a lwiyo.”

¹⁷⁸ Nda kaliko ku mambungano amwi aa Musalali Patrick mu Northern Ireland. Iiyi, munene. Nda kajisi coolwe ca kubona ceeco. Cakali buyo cipapa cipati cakaindi. Tiiba kajisi mituni kaijoncomene, a kutila zintu ku matende abo, a ku babbadelela bantu kujoka a kunjila mu mutuni oyo. “Mariya, abonwa,

Mariya, a banyina Leza,” cintu nciconya ncoba kacita kuli Astarte (kulowa), muuya wa Mariya.

¹⁷⁹ Myaka buyo yobilo na yotatwe yakainda mbungano ya Katolika yaka talisya kayanza kappya kabuzumini kuti “Maria wakabuka kuzwa ku bafu akuya ku Julu.” Mbangaye baciyeeya eco? Oh, nyoonse mula cita, masimpe, mitende izwide ncico. Kayanza kabuzumini! Iya kilidwe aa tuyanza twabuzumini, a kutaliki kabeela komwe ka Bwini ali onse.

¹⁸⁰ Lino, nywebo noba Protestant muli babyaabi buyo mbubonya, abo bakaka ku bweza Ijwi lya Leza. Nkayanza kabuzumini bwa mbungano ya Protestant mbubonya mbuli buzumini bwabukombi ibwa mbungano ya Katolika, alimwi tuli lubide kumaninina kusikila twa joka ku Ijwi lya Leza muumi! Mbubo.

¹⁸¹ Noba Assembilisi ya Leza, noba Foosikkweya, noba Pentekoste babumwi, babutatu, na kufumbwa mbo mukonzya kuba, amu jokela ku Ijwi lya Leza! Amuleke mituni eyi yatubungwe awa, cibumbwa ca muntu kumwi mulavu catubungwe. Ba kalilowa beni (muuya wa dyabulosi) mu mituni eyi yatubungwe. Sena mulizi eco? *Kabungwe* kalo “mutuni”!

Yebo wati, “Sa uli Munakristo?”

“Ndili muna Presbyteria.”

“Sa uli Munakristo?”

“Ndili muna Methodisti.”

“Sa uli Munakristo?”

“Ndili muna Pentekoste.”

¹⁸² Eco ta caambi cintu pesi mbuli buyo wati uli “nkutula,” na “mubwa” na “insimba,” ta cijisi kunji kwakucita a Ndilyo. Mbo mbubo. Eco nco tu yandikana sunu: nkujokela ku Ijwi lya Leza!

¹⁸³ Lino, kuli baabo babelesi bamu zintoolo a bantu bayandisi mu Northern Ireland, ikuti na Musalali Patrick...oko zikolo zyakwe zyoonse nkozya kabede. Nywebo mulizi, zina lyakwe tii lyakali Patrick? Zina lyakwe wakali Succat. Wa kali bbindwe mbuli mulombe muniini; bacizi bakwe baka jaigwa. Elyo wa kabweeda, nkambo wa kayiisyia babwa kwaanda bankutula azimwi, aboobo wa—wa—wa—wa kacicita, cindi na kacita ceeco, mpawo ba...wa kajana nzila yakwe kujokela ku muunzi kuli bawisi a banyina. Elyo wa katalika cikolo. Elyo cikolo mu Northern Ireland taakwe tii cakazumina poopu mbuli sikwiiminina mupati iwa Leza, tii baka cisyoma. Ba kakkala a Ijwi. Leza alongezye musalali oyo ulelekedwe, Musalali Patrick, muntu mulemu.

¹⁸⁴ Elyo mula bamvwa kabaamba kuti “Musalali Patrick wa katanda nzoka zyoonse kuzwa ku Ireland.” Amubale makani aakale a kubona mbo cakabede. Musalali Patrick wakali

kusyoma mu kwaambaula mu myaambo. Musalali Patrick wakali kusyoma mu kujata inzoka na kunywa zintu zikola; elyo cindi na kakonzya kubweza nzoka a kwiisowela mu nzila yakwe, ba kat, "Wa katanda inzoka kuzwa ku Ireland." Kakali kaambo kakuti wa kali kusyoma mu kujata nzoka, nkabela taakwe cakali kuyo bacisa. Iiyi, oh, masimpe.

¹⁸⁵ Tiiba kajisi ayo...aya malende mapati ncobeni. Alimwi ino inga—ino inga musalali...Ino inga Irenaeus wacita nzi sunu? Ino inga Musalali Patrick wacita nzi sunu, kubona myaanda ya mabbilioni aa madollar abibikkidwe mu Bunakatolika bwa bana Roma, ku kuyaka mambungano mapati a zibumbwa zya amadollar ali milioni a zintuzyonse mbubonya buyo mbuli ba Protestant mbo bacita?

¹⁸⁶ Nda kaamba kaambo buzuba bumwi nkabela kakankamanisa bantu boonse, ako nke kaambo nce Ndi jatilide teepu eyi. Amu baleke balikke, boofu basololela boofu, aba wide mu dindi. Eco nce cintu cilikke nco mukonzya kucita, mwabona. Cindi ni Nda kabaambilila kujatikizya lwiito lwaku cipaililo, kwakanyina cintu cili booboo mu Bbaibbele mbuli "lwiito lwaku cipaililo."

¹⁸⁷ [Kabeela katakwecintu aa teepu—Mul.]...ka busalali Bwakwe. Ku kulibombya Iwesu ku lufu Lwakwe, kulizumina kuti tatuli cintu, mpawo Muuya Uusalala wanjila akutu sumpula. Elyo ta tusyomi muli Iwesu, nkaambo ta tukonzyi kucita cintu, pele a Nguwe inga twa cita zintu zyoonse.

¹⁸⁸ Swebo, mu cinkozya Cakwe, cinkozya cipona ca Leza muumi. Ino ncinzi yebo...Cindi walipa lwako kuli Leza nkabela Leza wanjila muli nduwe, ino cikumbamba nzi? Ii cinkozya cipona ica Leza. Kutali cibumbwa cifwide cikkede mu kkona; kutali kabungwe kutala mu masena akweendelezezya ku Washington, mu i—mu i—mu Nsangano ya Mambungano; huh—uh, peepe, eco ncibumbwa cifwide, cibumbwa cifwide a kansiyansiya kafwide. Pele cinkozya cipona mu mugame!

¹⁸⁹ Muntuumwi wakali kuiiisa buzuba bumwi, na kajisi kagwalo kaniini, elyo muntuumwi wakati "Ikuti na mwaalumi taka futulwa, alimwi...Ikuti na mwaalumi waka futulwa a mukaintu wakwe ta kfutulwa, sa bay a kunjila mu Kukwempwa? I mwanakazi takainka mu Kukwempwa, inga tii kwaba cintu mbuli mwanakazi kuya mu Kukwempwa nkaambo bali bomwe." Bufuba! Jesu wakati, "Kuyooba bobilo mu bulo, nkabela Njo bweza omwe a kusiya omwe." Makani aa mugame akati ka nduwe a Leza, kupa mibili *wako*; naa baama, taata, bana, kufumbwa cintu cimbi cila Li tambula na pe. Amen!

¹⁹⁰ O Leza! Eyi inyika, yatombe, yabubi, insofwi loko; aya mambungano atombe, masofwi loko ategwa mambungano; otu tubunga, twatombwe, atusofwi loko; atu tunsiyansiya twatombwe, tusofwi loko tulwana Ijwi lya Leza. O Leza, koleta muntu

muniini mubombe kubusena bumwi a kuba salazy, a kuba nyamuna mu masena Aakujulu a kulitondezya Lwako, Leza Singuzuzyoonse. Ameni. Ino ncintu cibyaabi caka boola kuba!

¹⁹¹ Twa kabambwa kuba basizyaabilo ba busalali Bwakwe. Swebo, mu cinkozya Cakwe, tuli zinkozya zipona izya Leza muumi. Mpawo, kufwa kuli lwakwe, kabuka a Nguwe, (lino amuswiilile, amuswiilile kuli ceeci), Ijwi Lyakwe lyakaba mu mubili wabantu alubo muli *ndiswe*. (Oh, Mukwesu Neville!) Amulange! Ino ncinzi? Kutali cakuyeyela buyo, kaleza kakweezezya kakkede alya, pele Leza muumi. Ino Leza muumi ninzi? I Ijwi muli nduwe kalilibamba Lini kuba kasimpe. Fyuu! Bulemu kuli Leza! Oh, Ndili lizi tuyeeya kuti Ndili mubumbulusi uusalala, ndiza Mbwe bede. Pele, oh, mukwesu, sa wacibona? Kuzunda kabungwe koonse, kuzunda bupagani boonse, Leza muumi wayubululwa mu tempele lipona, alimwi Ijwi lya Leza (lili ngu Leza) lyaba mu mubili wabantu muli ndinywe. Nkaambonzi? Muli kkede mu masena Aakujulu, kuzunda zintu zyoonse, muli Kristo Jesu. Ameni!

Oh, Nda Ci yanda buya. Nde elede kusotoka cintucimwi a kuzumanana.

¹⁹² Lino, amuswiilile. Mpawo bace Bakwe basyomi, takukwe makani obo—obo mbo kulampa, na oyo—oyo, muniini, na kufumbwa mbobede, bace Bakwe basyomi (muli Nguwe) ba kabikka bubi bonse kunsi lyabo. Mwabona? Amulange! Kristo ngo Mutwe wa Mibili. Sa mbo mbubo? Ee, kufumbwa oko Mutwe nkouli a Nguwo. Bulemu! Oko mutwe wangu nkouya utolelela mubili. Elyo oko Jesu nkwapede, Mbungano ilaa Nguwe. Ameni! Ta zwi mu Ijwi Lyakwe; Ula kkala mu Ijwi Lyakwe, ula Li mamela, ku Li bamba kuyubuluka. Mbungano Yakwe ilaa Nguwe.

¹⁹³ Elyo, amulange, nywebo mwati, “Pele, Mukwesu Branham, Ndili wa kweelelezya.” Ezyo ni ndyato lya matende Aakwe. Pele, amuyeeye, Wa kazunda antomwe andinywe, wakazunda antomwe andinywe kabeela konse ka ncico, noziba ndyato zya matende Aakwe. Kuciswa konse, dyabulosi onse, nguzu zyonse, noluba lufu lwini, luli kunsilya matende anu, kunsi *lyanu*. Bulemu! Nse limvwi mbuli kuti Ndali makumi osanwe a yobile cifumo cino. Obu Mbwini. Ikuti na Nda konzya buyo kubamba mbungano eyi kubona ceeco, mukwesu, tuyo oba mbungano iizunda. Basyomi muli Nguwe, boonse bubi kunsi Lyakwe. Oh, bulemu!

¹⁹⁴ Ndiyo langalanga aniini, Ndiyo talika alubo ciindi citabela.

¹⁹⁵ Amuswiilile, amuswiilile kuli ceeci. Nywebo mwati, “Mukwesu Branham, Nse jisi nguzu.” Naanka a Ndime pe. Nse jisi nguzu zili zyoonse. “Ee, Mukwesu Branham, Ndili kompeme.” Mbubonya Mbwe bede. Pele Nse yaamini mu nsana zyangu, tazili nsana zyangu. Ndi yaamina ku bwami bwangu,

mwabona, bwami bwangu mbwaka ndipa. Nseli *ndime* muyumu, Nseli muyumu pe. *Walo* ngo muyumu, alimwi Ndili—ndili Wakwe.

¹⁹⁶ Awa, mbuli boobu, kwaamba kupa mukozyanyo, ngooyu mulongo wa myootokala uboola kuselemuka kagwagwa, ku Fourth a Broadway mu Louisville, “zuumu, zuumu, zuumu, zuumu,” cakubinda buyo mbuli mbo bakonzya, mamaile ali cisambomwe mu oora a kagwagwa ako, onse ula bindaana, kuya bulisyanikizya, mu bantu banji loko. Muntu umwi muniini wayutuka alya, watambika janza lyakwe, elyo, mukwesu, mabbuleki alakumba. Ee, oyo mwaalumi muniini tajisi nguzu zinji zya kwiimika imwi ya myootokala eyo, pele ujisi bwami. (Bulemu!) Tazili nguzu zyakwe. Ee, ikuti na umwi wa myootokala wa mulyata, inga wa munyonyoona. Pele mulekele atambike janza lyakwe! Baa? Bamadiraiva ba myootokala balai lemeka eyo unifoomu.

¹⁹⁷ Oh, mukwesu, bala ilemeka eyo unifoomu, mabbuleki alajata. Nkaambonzi? Amulange bwami bwakwe. Amulange eco cili kunze lyakwe. I ciyanza conse ca dolopo cili kunze lyakwe. Cizwidilizya milao ya dolopo cili kunze lyakwe. Eyo unifoomu iiminina ceeco. Walo ulandene, iiyi, munene, nkambo ngu silutwe.

¹⁹⁸ Ula ompolola kuti, “Koima!” Ee, umwi wa myootokala waunka “zuumu,” aku mutola buyo mbuli obo. Pele ncibotu bata cisoli, amulange eco cili kunze lyakwe. Bayo jatya mabbuleki akucuta. Ta elede akwalo kwaamba cintu, utambika buyo janza lyakwe. Eco cila cicita, masimpe. Bwami bwakwe kuzwa ku cintu cizwidilizya milao, conse cili kunze lyakwe. Mwini, uli kompeme, pele ino ncinzi cili kunze lyakwe? Eyo nje nyenyezi... dressi lyakwe, usamide kabotu mu unifoomu.

¹⁹⁹ Eco nce cintu i...kutali mutuni, pele oyo muntu alikke ngwa elede kusamikwa. Atusame zilwanyo zyoонсе zya Leza, ameni, ngowani ya lufutuko, eyi ntobo mpatti (musela wa citendele) wa lusyomo. Oh, mukwesu. Tacili obo mbwabede, pele eco nca iminina.

²⁰⁰ Eco nce ncico silutwe...tali oyo muntu muniini wiimvwi alya, walo muntu buyo, pele eco nca iminina!

²⁰¹ Cilwanyo cesu ngu Jesu Kristo. Iiyi, munene. Onse madaimona alajata mabbuleki awo cindi abona Ceeco. Cindi babona cilwanyo eco cizwide ca Leza, lubapatizyo lwini lwa Muuya Uusalala, ameni, abo baka Ubona kauboola cigaminina kuzwa ku Cuuno cabwami ica Leza, kabasamide mu zilwanyo zizwide zya bubuke Bwakwe. Ameni.

²⁰² Kutali kuti *uli* muyumu, toli cintu, nceeco cili kunze lyako. Nkaambonzi? Yebo uli fwide. Wa kasangana mpi, wa sangana impi ya basilikani, uyo bamba mulao a kweendelezya madaimona aya. Mbo mbubo, uli mu mpi ya basilikani, cintu

coonse cili kunze lyako. Wabona, ula zumina kuti uli fwide, toli cintu, inga toimikizya cintu. Pele bwami bwako obo bwakapegwa nduwe, nkaambo wa kabuka a kukkanla mu masena Aakujulu muli Kristo Jesu, dyabulosi ula cilemeka eco. Zyoonse zijata mabbuleki azyo cindi maanza aunka mujulu.

²⁰³ Musalali Martin, ciindi cimwi mu nkuta . . . Kwakali muntu kunselelo okuya wakali kulitendaula (dyabulosi), wa kali kuluma kuzomona zikata zipati kuzwa ku bantu mbuli boobo, alimwi bantu bakali kucija, wa kali kusola kuba jaya. Kasomona pati janza . . . kajisi minyanga mipati ncobeni, meno, wakali kusomona canyama mpati ya mukanwa mbuli obo nakali kulilemeka cabufuba konse.

²⁰⁴ [Kabeela katakwecintu aa teepu—Mul.] . . . mu bakombi. Elyo mazuba ayo naka bona kumbele, a kuziba kuti ciyooba mu nzila eyi, cindi Walo Mwini nakali kuya kutandwa mu mbungano Yakwe Mwini, mbungano ya Laodikeya. Wa kati, “Amubone, Nda ima ku mulyango a kukonkomona.” Ako kabunga kaka Mu tanda, alimwi ba cicita asunu, pele Uli imvwi ku mulyango kuti akonkomone.

²⁰⁵ O Leza, akube kuti zizo zya Mubili Wakwe zimvwisye asunu kuti tuli mu Mbungano yakazunda. Tuli—tuli muli Kristo. Tuli kkede aatala lya zintu ezi zyoonse zya nyika.

²⁰⁶ Nkaambonzi banakazi besu nco bangga bayanda kugela masusu abo? Leza, citondezya kuti cintucimwi cili lubide. Nkaambonzi nco bangga bayanda kuliyyutulula mu zintu ziboneka nkewela? Nkaambonzi bantu besu nco bajisi nzala mu myoyo yabo ya kumvwa i—i mulombwana mbuli Elvis Presley na—na bamwi ba Ricky aba, na bamwi kwiimikila alya a gitaa ni lyakaindi a ciimbo eco cakaindi cicwena cwena akubamba basimbi besu bakubusyi kuliyyumba akuvumbula tubbudula twabo twa kunsi, a zintu? Leza, elyo mpawo mulombe oyo utaminina kuba muna Pentekoste! O Leza, ino ncinzi . . . Amulange oyu Pat Boone oyo utaminina kuzulilwa ku Mbungano ya Kristo a zyoonse ezi zintu zya cisapi, zibyaabi . . . O Leza, kaliita lwakwe kuti “uzwa ku Mbungano ya Kristo.”

²⁰⁷ Leza, tula mvwisya kuti bbaagi ya bwami talili zina lya kabungwe, pele ni nguzu—i nguzu zya bubuke bwa Kristo mu buumi bwa mugame boonse. Leza, akube kuti bantu aba awa cifumo cino balwanine kunjila muli Ceeco. Elyo ikuti na eyi teepu yeelede kusola kuzwa kuya mu cisi omo bantu mobabede, Mwami, balekele bazibe kuti tii caambwa nkambo ka makanze mabi, nkaambo inga Nda lubila lwangu, pele kuti Mbungano ibe izunda a kumvwisya busena bwayo. Kuti inga babona oko mituni eyi yoonse . . . Awo mbungano ya Katolika mpoya kayutuka antangalala a kucibamba “i mutuni,” ba Protestant ba cibamba kuba “kabunga,” alimwi cabubi buyo; kabakaka Ijwi,

“Bala ciwa ca bukombi, pele kabakaka Nguzu zya mbubo.” O Leza, obo Ijwi Lyako mbolili lya bwini, Ijwi lyoonse!

²⁰⁸ Lino twa komba, Taata, kuti Uyo tujatila zibi zyesu, alimwi akube kuti Mulumbe oyu umvugwe kapati mu myoyo. Elyo akube kuti bantu . . . Akube kuti mbungano eyi, mbuli cikombelo eci ciniini lino cili mu bubambe bwa kuyakwa mbungano, akube kuti bata langi cintucimwi ceebesi, pele kunji buyo kupa kuyusa ku bantu. Leza, akube kuti bata kainki kuyo langa a kwaamba kuti, “Tu zulilwa ku cikombelo cipati eco ejisi mbaakanzi ya mubalo mupati ali ncico.” Leza, kube kuti ibule cintu. Akube kuti bataka sweekelwi kukubona kwa Cintu, ca Jesu Kristo. Akube kuti Abe Umwi oyo uzuzya tempele lyakwe, elyo mpawo nguzu a mulilo wa Muuya Uusalala ziyo wida aa cipaililo ca myoyo yabo. Mpawo cipaililo cini mpo cibede, Mwami, mpa moyo wa mugame aumwi.

²⁰⁹ Nda komba cifumo cino kuti Ijwi eli liyo bikkwa cakulema loko aa cipaililo ca moyo oonse mane taba kakonzyi kuzwa kuli Ndilyo, kuti bayo boola akuyeeya kubotu ku Makanimabotu, kusyoma Majwi; a kuta jula myoyo yabo ku inguzu zya madaimona (na kunyanyamukwa, na kucwema cwema, na kusotoka, na—na kulinondezya kumwi, ciimo cimwi cakunyama, na cintucimwi mbuli ceeco), pele ku Muuya wini wa Kristo wakasimpe, oko Nkwayo litondezya Mwini mu luyando a nguzu.

²¹⁰ Ko cipa, Mwami. Ponya balwazi a bapengede. Twa lomba mu Zina lya Jesu. Ameni.

Nda Mu yanda, Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

. . . Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

²¹¹ A mitwe yesu kiikoteme, mbangaye bayo bikka myoyo yabo aa cipaililo a kwiibamba kuba muunda kuli Leza, kuti Ako nzye kubyala Ijwi Lyakwe aa cipaililo ca moyo wako, eco ciyo leta buumi bwa bubuke ibwa Kristo? Sa inga watambika maanza ako akuti, “Leza, Ndi yanda ceece a moyo wangoo oonse”? Leza alongezye myoyo yanu ifwidenzala, banji abatobelala banji.

Amu cisiye alya, amu cisiye buyo alya,
 Kotola mukuli wako ku Mwami a kuusiya
 okuya;
 Ikuti na twa syoma a kuta zumbauzya, Uyo
 tugwisya ncobeni;
 Kutola mukuli wesu ku Mwami a kuusiya
 okuya.

²¹² Moonya mu moyo wako, yeeya kuti Kristo i Mufutuli, yeeyeakuti Wa kafwida nduwe. Elyo ikuti na wa fwa kuli lwako, kuyo sukumuna mubili wako, kusukumuna buntu bwako, kusukumuna moyo wako kwa zintuzyonse zya nyika eyi a misaaloyayo yoonse, mpawo Kristo... uyo buka a Nguwe.

²¹³ Ikuti na tona bbizigwa mu Zina lya Jesu Kristo, kuli ciziba cizwide maanzi awa. Elyo, cindi wabuka kuzwa ku maanzi ayo, uli mukubuka kweenda a Kristo mu buumi bupya. Uli fwide mpawo, yebo to cili... silunyemo a zintuzyonse zyaloba. Uli cilenge cipyapli Kristo. Mpawo Wa kubusya kwinda ku Muuya Uusalala akuku kkazika mu masena Aakujulu antomwe a Nguwe, kulaale kwiinda inguzu zyoonse zya inyika eyi.

²¹⁴ Takukwe makani mbokuli muniini, ikuti na uli mwanakazi muniini ubeleka kuwasha, ikuti na uli—ikuti na uli mukwesu buyo uta jisi zyakwe... ziba ma ABC akwe, takubambi lwandaano lumwi obo mbobede. Uli muli Kristo, wakazunda zintu zyoonse. Elyo bwami bwako buli ku kweendelezya daimona lyonse a nguzu zyonse dyabulosi nzya jisi. Uli muli Kristo, kozunda.

Kuciindi nomu kotamikide mitwe yanu:

²¹⁵ Ndi lizi kuti kuli mukwesu wa boola kunselelo okuno cifumo cino, Mukwsu Slink (Nda syoma bamwiita kuti “Sink, Jim Sink”), oyo Ngwe syoma kuba... Elyo mukwesu wesu awa ula zibwa kuba mwiiyi wa Ijwi eli. Sa mbo mbubo, Mkhesu Sink? Tweelede kubikka maanza ali nguwe cifumo cino katutana buyo kukombela baciswa, ku munanika kuba mukutausi (umwi wa bakwesu besu) kuunka ku mambungano kuyo kambauka Makanimabotu.

²¹⁶ Mukwesu Jim Sink, sa inga wasika atala awa ku cipaililo? Boola, Mukwesu Neville. Mukwesu Junie Jackson, uli aali? Kufumbwa umwi wa bakutausi ba Lusyomo olu?

²¹⁷ Mukwesu Jim Sink ano ula syoma muli aya Makanimabotu ngo tukambauka, i Mwana wa Leza, ku syoma kuti Walo ncobeni Mwana wa Leza wakazyalwa kuli nakalindu. Sa mbo mbubo, Mukwesu Sink? [Mukwesu Jim Sink wati, “Ameni.”—Mul.] Mula syoma kuti Wa kafwa a kubuka alubo buzuba bwatatu, wakazunda zintuzyonse, a kukkanala ku janza lyalulyo lwa Leza, akati ka nguzu zya Leza Kujulu, kapona lyonse ku kutukombelezezya? [“Ameni.”] Ula syoma mu lubapatizyo lwa maanzi mu Zina lya Jesu Kristo ku kujatilwa zibi? [“Ameni.”] Ula syoma mu lubbizyo lwa Muuya Uusalala mbubonya buyo Leza mbwaya Kuu pa, a zitondezyo a zigambyo zya kutobelamusyomi? [“Ameni.”] Ula syoma ezyo. Alimwi Ndila syoma kuti wa kapona buumi bwataka jisi sampu kumbele lya bantu. Ula kambauka okuno ku mbungano, kanji kuli mbabo okuno, elyo Nda kajana kuti, “muntu mubotu wa Leza.”

²¹⁸ Lino, ku mbungano eyi, sa kuli ijwi limwi omuno, muntu umwi ujisi ijwi lya kwiimpana a Mukwesu Sink? Ko caamba lino na kwalyonse ukaumune. Mbangaye basyoma booboo a kukambauka kwa Mulumbe oyu a Ijwi eli Mukwesu Sink... alimwi mula syoma kuti kwiinda ku bumboni bwa Muuya Uusalala, kuti Mukwesu Sink weeledge kunanikwa a kutumwa kuzwa ku mbungano eyi okuno mbuli mukutausi wa Makanimabotu, kuyo ambilizya Milumbe eyi mbuli mboya kambaukwa cifumo cino, ku masena oonse ayo nga konzya kuunka mu nyika Mwami uyo mutuma? Tambika maanza ako akuti, "Ndino kupailila, Mukwesu Sink." Leza amu longezye.

Atu kotamike mitwe yesu.

²¹⁹ Mukwesu Neville, walombwa ubikke maanza ako a Mukwesu Sink kuciindi kumwi nobikka janza lyako a Bbaibbele.

²²⁰ Taata wesu Wakujulu, twa leta kuli Nduwe, cifumo cino, muntu oyo waka gwisigwa kuzwa ku bubi bwa nyika eyi, wali zuminia mwini kufwa kuli lwakwe akutambula Kristo mbuli Mufutuli, waka bbizigwa mu Zina lya Jesu Kristo, kabuka a cisyomezyo caku tambula Muuya Uusalala, elyo lino mu masena Aakujulu, alimwi kulimvwa lwiito aa buumi bwakwe ku mulimo.

²²¹ O Leza, mbuli baalu ba mbungano eyi, mbuli mbunga a balinguzi bakoonse azimwi zimbi, ku kulangilila butanga obo Muuya Uusalala mbowa katubamba kweembela, butanga kabutambika maanza abo mukuziba kuti Mukwesu Sink, "kuti walo muntu uululeme," nkikaako twa bikka maanza esu ali nguwe, mbuli Mukwesu Neville a Ndime, mbuli baalu Bako, alimwi kuli ceeci twa komba mupailo wa lusyomo a kunanika Mukwesu Jim Sink mu mulimo wa Jesu Kristo. Ko cipa. Akube kuti azulwe nguzu zya Leza. Akube kuti ata kalimvwanyi. Akube kuti akalete bantu kuli Nduwe.

²²² Elyo, Leza, twa syomezya busyomesi bwesu a bunyina kuli nguwe, ku mugwasya koonse nkwapbede, mu mupailo, a mu lugwasyo, alimwi kufumbwa nzila mbotu konzya. Mu tambule, O Leza, mbuli mbo tumutuula kuli Nduwe. Mu Zina lya Jesu Kristo, Mwana wa Leza. Ameni. Ameni.

²²³ A maanza ako atala lya Ijwi, nkabela ngooyo Mukwesu wangu Sink, Nda kunanika mukwesu muli Kristo a luswaanano lwesu, mu Zina lya Jesu Kristo. Ameni. Leza aku longezye. Ncibotu. Elyo mbunga yakati, "Ameni." [Mbunga yaamba, "Ameni."—Mul.] Leza amu longezye. Kuli kunji kwakucita mu Makanimabotu, kuyandikana kapati, tula kwiminina cakumaninina a zintuzyonse nzo tukonzya kugwasya. Leza aku longezye.

²²⁴ Sa Tali mbotu kuba ii...Oh, ma! Nda yanda kubona muntu. Eco cili kabotu. Walo, mbuli Mbwe mvwa lino, ubweza

bwendelezi bwabweembeli bwa Holiness Tabernacle ku Utica, Indiana, oko nkwa kkala kutali kule kuzwa okuya.

²²⁵ Lino, atu bone. Oh, sa tuli bajisi bakwesu? Oh, Nda syoma tu jisi balwazi baku kombela nekuba, embo na? Yaa, sena ba... vozya makkaadi aa mipailo? Yaa, atwiite makaadi amipailo masyoonto cakufwambaana, kwalo boonse ababatame ncobeni asyoonto. Twa mukisya ncobeni. Sa inga mwa ndipa maminiti ali kkumi? Yaa. Makaadi amipailo, amulekele bantu bajisi mipailo... Ino mpaali mpo bapeda, wani?

²²⁶ Yaa, mweelwe wa kkaadi lya mipailo namba wani, sa inga mwaboola, namba tuu, namba thrii, numba foo, namba faivi. Kkaadi lya mupailo namba wani, tuu, thrii, foo, faivi, kwiimikila mpoonya awa, cakufwambaana buyo mbuli mbo konzya lino, ikuti na ulakonzya kutanta. Ikuti na tamu konzyi, ee, atu zibe, tuyoo boola ku kubweza. Tula sola kujana boonse mbuli mbo tukonzya. Wani, tuu—tuu, thrii, foo, faivi, sikisi, seveni, eiti, naini, teeni; sikisi, seveni, eiti, naini, teeni; alimwi bobilo biyo batambika ali ceeco. Teeni, ileveni, twelufu, theetini, footini, fifitiini. (Huh?) Boonse babo, oonse makkadi aa mipailo, kamuya ku lubazu *olu* lumbi, kusika ku lubazu olu awa, ku lubazu olu ikuti na mula konzya.

²²⁷ Oh, sa Tali mubotuloko? Lino, nyoonse amubatame buyo mbuli mbo mukonzya, kutandila maminiti ali kkumi lino, kutandila buyo maminiti ali kkumi. Lino, abo bajisi makaadi amipailo, twa bamba kambo kamula kuti “I bantu bayanda ku kombelwa, amubooke a makkadi abo amipailo,” elyo kutegwa tu ta... Mwabona, bala zumanana kujokela, elyo mpawo basola kubelesya zipego zya Leza mbuli boodi lya Ouija, pele ta tu—ta tu syomi mu kucita eco.

²²⁸ Tula—tula syoma mu kulekela buyo Leza kucita Mulimo Wakwe. Sena mula syoma obo? Mbangaye bausyoma Mulumbe oyu cifumo cino kuba Bwini? [Mbunga yaamba, “Ameni.”—Mul.] Ndamu lumba. Ndamu lumba. Leza amu longezye. Ndila Ci syoma akonse ku moyo, buntu, a mizeeo yangu.

²²⁹ Lino, kuboneka kuti tu jisi bantu batandila ku makumi osanwe okuno beeledede kukombelwa, cintucimwi mbuli ceeco. Lino, amuswiilile. Lino, umwi aumwi wanu uli muli Kristo. Uli muli Kristo Jesu, kozunda malwazi onse. Nyoonse nomuli mu mundando wa mipailo, muli Banakristo, basyomia bakazyalululwa, amutambike maanza anu. Busena bwako mpawo buli muli Kristo. Mwa kazunda kale, alimwi cintu buyo nco mweelede kucita lino nkuzumina a kusyoma eco Leza nea kaamba kuba Bwini.

²³⁰ Inga nsekonzya kubweza oyo munkali ku kutweluka, inga kwaba kunji kapati kucita, cila tutolela kaindi kalamfu. Inga tii caba kuli ndime, Ndi syoma kuti Nda konya kukkanala awa buzuba boonse, Ndi limvwa buyo kabotu. Ndi limvwa buyo kabotu.

Ndi lizi kuti Ndyia bwini. Alumbwe Mwami! Pele *lino* tuli muli Kristo, *lino* twa kkala mubusena muli Kristo. Amen! Oh, ma! Sena ezi zintu Nze kayiisya nzya Bwini? Ikuti na mbo cibede, mpawo Uyo lileta Mwini. Mbo mbubo.

²³¹ Mbangaye banu no bantu mu mundando wa mipailo beenzu kuli ndime? Ndi mulizyi bunji bwanu, pele bamwi banu muli beenzu. Tambika janza lyako, uuzi kuti Nse zyi cintu cilubide kuli nduwe, tambika janza lyako; monse mu munkali, uh-huh, yaa. Sa Ngu Kristo? Mula Mu syma? Mweelede kuba a lusyoma, mweelede ku Mu syoma. Ikuti na to Li syomi, nkokuti Ta liko beleka. We elede kuziba cilao cako, weelete kuziba busena bwako. Sa mbo mbubo, Mukwesu West? Mbo mbubo. Koziba cilao cako, Kristo wakasyomezya “I zintu ezyo Nze cita moyo zicita anywebo.” Ula Ci syoma a moyo wako oonse.

²³² Oyo mwaalumi wiimvwi kusule okuya ujisi cintucimwi cilubide ku kasolo kakwe. Ula Ci syoma a moyo wako oonse. To konzyi kunjila mu mundando wa mipailo, pele inga waunka kusule a kukkala, ciyo zwa. Elyo tali kkulenge. Kojoka kukkala acuuno, ca mana. Nse na mubwene mwaalumi mu buumi bwangu. Ikuti na tuli beenzu, mukwesu, tambika janza lyako. Ikuti na tuli beenzu... Ndipenzi nzi, wa ponesegwa!

Ambali ly a cipaililo eci awa, sena mula syoma?

²³³ Ino kujatikizya nduwe? Tuli beenzu, Nse kuzi. Leza uli kuzi. Ula ndisyoma kuba mulanda Wakwe? Ula usyoma na oyu Mulumbe Ngwe kambauka? Ino kuti Nda kwaambila penzi lyako ly a musana lila kulekezya? Ula Ci syoma a moyo wako oonse? Ba. Burkhart, kojoka ku Ohio, wa ponesegwa. Jesu Kristo wakubamba kuba kabotu.

²³⁴ Toli waano kuli lwako, uli kokuno nkaambo ka muntuumwi umbi. Walo mwanakazi. Elyo uzwa ku Ohio, awalo, mbo mbubo, zina ngu Alice McVan. Mbo mbubo. Waa kajisi kupandulwa. Mbo mbubo. Penzi ly a mwida a penzi ly a kubukaintu a kulibilika. Sa mbo mbubo? Kosyoma buyo nkabela uyooba kabotu. Kozumanana aku Ci syoma a moyo wako oonse. Ko Ci syoma a moyo wako oonse, uyo citambula.

²³⁵ Wapona buti? Nse kuzi, tuli beenzu. Sa mbo mbubo? Ula ndisyoma kuba mulanda Wakwe na? Ula syoma na kuti twa kazunda muli Kristo? Ikuti na ula syoma, a kulibilika kwako alimwi a mapenzi lyako a zintu nzo jisi, mpawo, Muka. Allen, inga wajoka ku muunzi wako a kuba kabotu.

²³⁶ Nda syoma tuli beenzu, embo na? Nsen a mubwene kale. Eci nciindi citaanzi nco twa sola kuswaangana, tuli beenzu kuli umwi aumwi. Sena mula ndisyoma kuba musinsimi Wakwe? Ula cisyoma na? Uciswa penzi ly a nsa. Mbo mbubo, embo na? To zwi kokuno pe, uzwa kunselelo ku Musanza. Yebo ukombela bana bako batana futulwa. Oyo mulumi wako uli kusule lyako. Uli jisi muntu ku moyo wakwe cifumo cino, mweenzinyina ngwa

kombela. Kwaamba, Nda bona muntuumwi, yebo uli—yebo uli mweenzuma wa banyina a bawisi. Muntu waboola awa uutegwa L. C. na S. T., a cintucimwi mbuli eco, S. T. na cintucimwi, oyo—oyo mwana wako. [Mukwesu Neville waamba, “J. T.”—Mul.] J. T. . . . Mpaawo we, S. T. Peepe, tali J. T., Ndi lizi. Walo muntu, muniini wamasusu aasiya kumutwe, Nda mubona kaimvvi mpoonya awa kumbele awo mpabede lino. Kojoka ku muunzi, tambula nkumbizyo yako. Kozumanana kujoka ku ng’anda.

²³⁷ Sa mwaalumi oyo nkwalii cifumo cino, mwaalumi uzwa kumusanza mu Georgia? Inzya. T. S. Inzya. Nseni babona bauso a banyoko mu buumi bwangu, alimwi ulizi kuti obo mbwini, pele Nda kubona kobonekela, mpoonya awa kumbele lyabo ndyoonya buyo. Nda lizyi kuti mbo cakabede. Ko tambula nkumbizyo yako, uta zumbauzyi.

²³⁸ Nyoonse mula syoma, a moyo wanu oonse? Lino, mbangaye? Umwi aumwi wanu nyoonse uli muli Kristo. Nywebo mwati, “Sena ayo Makanimabotu?” Nce ncico Jesu Kristo nca kacita. Nce ncico baapostolo ncoba kacita. Nce ncico Irenaeus abamwi babo ncoba kacita. Mbubonya nconzyo.

Ula Ci syoma? Mpawo kukotamika mutwe wako.

²³⁹ Boola okuno, omwaalu. Kuli bantu banji loko bainda mu mundando oyo mbuli booboo. Twa sala bobilo na botatwe ansi alya. Kamuya ansi eni alya. Oyu Mukwesu Neville wangu muntu wa Leza. Nda cisyoma.

²⁴⁰ Tuyo inda mu mundando oyu awa a kukombela bantu aba, kubikka maanza ali mbabo. Nyoonse mula syoma kuti muyooba kabotu, umwi aumwi wanu? Oonse uli omuno uyo Ci syoma na? Mpawo kukotamika mutwe wako lino, tuli mu Mbungano ya kuzwidilila.

²⁴¹ Mwami Jesu, Ndi muzi mukwesu oyu, ako nkekaambo Nce taamba cintu kuli nguwe kujatikizya ncico. Ndi lizi eco nca yanda. Nda komba kuti Uyo muponya, Mwami, a kumupa nkumbizyo yakwe. Mu Zina lya Jesu Kristo.

²⁴² Taata Wakujulu, a maanza abikkwa aa mukwesu oyu muniini, cifumo cino, twa lomba mu Zina lya Jesu ku lwaanguluko lwakwe. Ameni.

²⁴³ Oh, uli . . .

Taata Wakujulu, kopa ku Mucizi wesu Dauch okuno, mucizi mubotu, oyo wali mulongwe wini kuli ndiswe okuno, ku mukwasyi wangu a bayandwa besu. Tula syoma kuti walo a mulumi wakwe tuli bana Bako. Nda komba, Leza, kuti Uyo mupa nkumbizyo yakwe cifumo cino. Mu Zina lya Jesu Kristo. Ameni.

²⁴⁴ Leza, mu Zina lya Jesu, longezya Mucizi wesu Bruce. Tu lizi, Mwami, kuti mulanda Wako. Twa komba kuti Uyo mupa nkumbizyo yakwe—yakwe. Mu Zina lya Jesu Kristo. Ameni.

²⁴⁵ O Taata Wakujulu, mukuziba kuti—kuti Nduwe olkke uukonzya kuponya Mucizi Blankco, twa komba kuti Uyo mulongezya a kupa nkumbizyo eyi kuli nguwe, Mwami. Mu Zina lya Jesu Kristo. Ameni.

²⁴⁶ Taata Wakujulu, aa mucizi wesi twa bikka maanza esu mu Zina lya Jesu Kristo, lombela kuvunwa kwakwe nkambo ka bulemu Bwako. Ameni.

²⁴⁷ “Ezi zitondezyo ziyo batobelabo basyoma,” alimwi twa bikka maanza esu aa mucizi oyu uya kupona. Mu Zina lya Jesu, ko cipa, Mwami. Kuciindi oyu mubili, ulibilika akuzungaana, kawiimvwi awa, Mwami, kunsi lya bukozu bwa Muuya Uusalala, a kukatala, pele Nduwe Leza. Ponya mwanakazi oyu mukubusyi, Nda komba, mu Zina lya Jesu.

²⁴⁸ Leza Singuzuzyoonse, kopa ku mukwesu nkumbizyo yakwe. Ko cipa, Taata. Twa bikka maanza ali nguwe a kutapatila sinkondo, balo banga baba musamu uu jaya buntu bwakwe, na kubikka i—i impa ya kusampaula kumbele lyakwe. Akube kuti abuke cakuzunda kuli ceeeo cifumo cino, Mwami, a kumvwisya busena bwakwe muli Kristo Jesu. Elyo mbubonya uya kuba aceeco nca lomba, mu Zina lya Jesu.

²⁴⁹ Taata wesi Wakujulu, a maanza aabikkwa aa mukwesu wesi, mu Zina lya Jesu Kristo, kopa nkumbizyo yakwe. Ameni.

²⁵⁰ Oyu musimbi muniini uuyandwa, Taata, mu Zina lya Jesu akube kuti Mwami abe siluse, nkambo ka Bulemu bwa Leza twa lombela lwaanguluko lwakwe.

²⁵¹ Leza, tu lizi kuti nkulila kwa moyo wa mutumbu oyu a kulila kwa mwana wakwe musimbi. Leza, kopa kuli nguwe lusyomo cifumo cino, elyo mpawo ku lubikka ndyoonya eno, mukuziba kuti ujisi nguzu kuli ncico. Elyo ciyo citwa, mu Zina lya Jesu Kristo.

²⁵² Leza, ponya mulombe oyu muniini, twa komba mu Zina lya Jesu Kristo.

²⁵³ Leza, Taata wesi, twa bikka maanza aa mucizi wesi a kulomba cifumo cino kuti Uyo mupa nkumbizyo yakwe. Mu Zina lya Jesu Kristo. Ameni.

²⁵⁴ Taata wesi Wakujulu, mbuli mulindu oyu muniini mbwa boola kuzo tola busena bwakwe ku kuponesegwa, twa bikka maanza ali nguwe a kulombela kuponesegwa kwakwe. Mu Zina lya Jesu Kristo. Ameni.

²⁵⁵ Atala a mwana oyu muniini mubotu twa bikka maanza esu, mu Zina lya Jesu Kristo, kulombela kuponesegwa.

²⁵⁶ Ku Zina lya Jesu Kristo, a maanza aa mucizi wesi, akube kuti Umu ponye lino.

²⁵⁷ Taata wesi, Oyo uuli ku Julu, alilemekwe Zina Lyako, aa mulombe oyu twa bikka maanza esu. Mu Zina lya Jesu Kristo, akube kuti a Ci syome. Ameni.

²⁵⁸ Taata Wakujulu, aa mukwesu wesu sicamba awa, Mwami, mulanda Wako, muntu wa Leza, twa bikka maanza ali nguwe kuti nkumbizyo yakwe ipegwe. Mu Zina lya Jesu Kristo akube kuti abweze busena bwakwe lino. Lino, ngooyu mwana wa Leza, mu ciindi cabulemu oko toonse nko tugolela.

²⁵⁹ Taata Wakujulu, aa mucizi wesu muniini oyo wakazwa ku mudima nguonya kweendeka mu Mumuni, kopa, Mwami, kuti buntu bwakwe buniini bwacamba busumpulwa atala cifumo cino, mu bube Bwakujulu. Alimwi komupa nkumbizyo yakwe—yakwe, mu Zina lya Jesu. Ameni.

²⁶⁰ Taata Wakujulu, aa mukwesu wesu awa twa bikka maanza mu Zina lya Mwami Jesu, lomba nkumbizyo eyi kuti ipegwe kuli nguwe. Mu Zina lya Mwami Jesu Kristo. Ameni.

²⁶¹ Taata wesu Wakujulu, twa bikka maanza aa muvwanda wa Mucizi wesu, a kulomba kuti nkumbizyo yakwe ipegwe kuli nguwe, Taata, mbuli mbo tubikka maanza esu ali nguwe mu Zina lya Jesu Kristo.

²⁶² Taata wesu Wakujulu, twa bikka maanza aa mucizi wesu, mu Zina lya Jesu Kristo. Akube kuti nkumbizyo yakwe ipegwe, mu Zina lya Jesu. Ameni.

²⁶³ Taata wesu Wakujulu, mbuli mucizi wesu mbwainda mu mundando oyu a lekela... twa bikka maanza esu ali nguwe, akube kuti Kristo wa Leza aboole munsi lino a kutapatila penzi a kumubamba kuba kabotu. Ameni.

²⁶⁴ Taata Wakujulu, aa mukwesu wesu, twa bikka maanza aali nguwe a kulomba ceeco mu Zina lya Jesu Kristo, kuti Uyo muponya mu Zina lya Jesu. Ameni.

²⁶⁵ Taata Wakujulu, aa musimbi oyu muniini twa bikka maanza esu, a kulomba Mwami wesu muyandisi. Mu Zina lya Jesu Kristo, twa lombela kuponesegwa kwakwe. Ameni.

²⁶⁶ Mwami wesu muyandisi, twa bikka maanza aa mukwesu wesu, mu Zina lya Mwana wa Leza, Jesu Kristo, Obo mbo tuli basikuzunda bainda kwiinda muli Nguwe. Elyo twa lomba kuti Uka pe mukwesu nkumbizyo yakwe, mu Zina lya Jesu. Ameni.

²⁶⁷ Taata wesu, ku mubelesi musimbi wa mukwesu, oyu silumamba muniini wa Ciingano, Nda komba, Leza, kuti Muuya Wako uboole aali nguwe a kupa nkumbizyo yakwe. Mu Zina lya Jesu Kristo. Ameni.

²⁶⁸ Taata wesu Wakujulu, aali oyu silumamba sicamba wa Ciingano, wa kaiminina Ijwi Lyako mu—mu ziindi zyakujanwa butongo azimwi, elyo nekubaboobo waima a Ijwi, wakazwa keenda kali sikuzunda winda muli Kristo Jesu. Komupa nkumbizyo yakwe, Taata. Nda komba mupailo wangu a kumupa kuzwa ku cilongezyo Cako, Mwami, kuti Uyo muponya a kumupa nkumbizyo yakwe. Mu Zina lya Jesu. Ameni.

²⁶⁹ Taata Wakujulu, oyu muvwanda takonzi kupona kunze lya Leza, pele Leza inga wa muponya. Nda bikka maanza ali nguwe a kutapatila sinkondo, mu Zina lya Jesu Kristo. Longezya mwana, alimwi akube kuti Yebo umu gwasye ku zwidilila mu Zina lya Jesu Kristo. Ameni. Basikuzunda bainda.

²⁷⁰ Taata Wakujulu, ku mucizi wesu, oyo ngo twa bikka maanza aa Zina lya Jesu Kristo, cilao cakuzunda ica Leza cakaba mu mubili wabuntu a kukkanla akati kesu. Akube kuti kwinda mu Zina Lyakwe, Zina lya bululami ilya Mwana oyo wa Leza, Jesu Kristo, kopa mucizi wesu nkumbizyo yakwe. Ameni.

²⁷¹ Mucizi wesu Kidd, longezye moyo wako. Taata wesu Wakujulu, mbuli mbo Ndi jatilide oyu mwaalumi a mwanakazi bakaindila kucembaala mu maanza esu awa, oyo waka kambauka Makanimabotu cindi Ne kali buyo mulombe muniini, mazuba masyoonto ainda kalede kafwa ku kkulenge; kubindila kuyo mubweza, a nguzu zya Leza zyakafumpa kuseleka atala lya muntu wamyaka ili eite yakukomenaaku muponya, mane bamadokotela bakaumuna cakugamba kapati, teeba kakonzya kucimvwisya. Nda komba kuti Umupe nkumbizyo yakwe cifumo cino. Mukaintu wakwe muniini ulelekedwe, Mwami, oyo waka sanzigwa aa boodi ku kutuma mulumi wakwe ku mulimo ku kambauka aya—aya Makanimabotu Aazwa malowa a Jesu Kristo. Ko cipa, Mwami.

²⁷² Longezya mwana wabo, Junior, Mwami. Twa komba kuti Uyo mubamba kuba kabotu a kumubamba kuba kuyuma, Mwami. Ngo mugwsyi wabo waku batola kuzwa ku busena kuyaku busena, kubikka tutambala. Nekubakuti bakacembaala loko taba konzyi kuzwa limb kuya mu muunda, pele baunka kuzwa ku cibbadela kuyaku maanda, kubikka tutambala aa balwazi. Leza, Uyo lemeka eco, Ndi lizyi Uyo cita. Ba longezye a kubapa nsana zya mazuba manji, Taata. Mu Zina lya Jesu Kristo. Ameni.

²⁷³ Ule lekwe. Ciyo citwa, Mukwesu Kidd, ciyo citwa. [Mukwesu a Mucizi Kidd baamba ku Mukwesu Branham—Mul.] Alumbwe Leza. Ameni. Iiyi, oyo ngo twa kajisi mupailo waku fooni.

²⁷⁴ Mwaalumi a mwanakazi wamyaka ili eite yakukomena, a kwindilila, takonzi kuzwa ku masena kubelekela akwimikila ku cikambaukilo, mudaala loko ku ciindi eci kukambauka boobo, pele nekubaboo uciyo tumina kunselelo okuno akutola zipakete lya tusan twa mipailo a kubatuma ku balwazi a bapengede, kubatola ku zibbadela a zintuzyonse mbuli ezyo. Ku kabikka aa i... Taba konzyi limbi kuzwa a kugwasya mulimo mu nzila eyo, pele bala zumanana mbuli mbo bakonzya. Ce elede ku tubamba bantu bakibusi kulimvwa kuusa kuli lwesu. Mbo mbubo, kucita cintucimwi ca Kristo.

²⁷⁵ Amuyeeye, oyu mwaalumi mudaala awa, Mukwesu Kidd, wakali kukambauka Makanimabotu ka Ndi tana zyalwa.

Mbo mbubo, kubusena okuya kakombela balwazi, silumamba mudaala sicamba. Elyo awa, mudaala, ula myaka yongaye yakuzyalwa, Mukwesu Kidd? Myaka ili eite wani yakukomena, uceendela Bwami bwa Leza! Mudaala loko kwiiima mu cikambaukilo a kujatilila mulumbe mbuli oyo, pele uyo unka ku cibbadela, ku mbali lya bulo, nkwa jisi mulombe umweenzya konse mu mootokala. Elyo taba konzyi kweenda, aboobo ba mweenzya buyo mu mootokala akubatola ku masena, elyo balo bobilo, banabukwetene bakaindi, bala unka omuya akubikka katambala atala.

²⁷⁶ ba kajisi umwi tuyandwa wakali kutandila kufwa buzuba bumwi, musimbi, bakali kundaambilka kujatikizya ncico. Twa kaba kombela, muzukulu, kaunka a kulala... I mwana wabuka lino. Alumbwe Leza!

²⁷⁷ Mukwesu Kidd, baka ndiita okuno ciindi cimwi cainda, kutandila myaka yobile yainda, Nda yeeyela, mbo yakabede, kuti wa kajisi kkulenge mu prosteti, katandila kuba myaka ili seveinte eiti yakukomena, na eite, munsi ku myaka ili eite yakukomena, kajisi kkulenge mu prosteti. I dokotela waka cibikka buyo kusule, kwakanyina cintu cakali kukonzya kucitwa. Twa kabinda, Billy a Ndime twa kaonyona kweenzya, kukuya kutala oko nkwa kabede. Elyo Muuya Uusalala waka twaambilka kuunka cifumo eco. Ta tu cicitu kanji citakuti twa soloelwa kucicita. Elyo Muuya Uusalala wakati, "Koya," nkabela twa kabweza kuya a kubikka maanza aa mulombwana mudaala, kumu kombela. Elyo madokotela taba konzyi kujana mukondo wa mbubo ali koonse. Bulemu kuli Leza! Oh! Nkaambonzi? Busena bwesu buli muli Kristo Jesu, wakatanta atala maningi ku malwazi oonse a inguzu zyoonse zya sinkondo.

²⁷⁸ Oh, sa tamu kkomene nkambo ka Nguwe?

Kuli bantu kutandila koonse,
 Bala myoyo yoonse iipyia
 A Mulilo oyu wakawida aa Pentekoste,
 Oyo wakasalazya akuba londola;
 Oh, bulapaya lino mukati ka moyo wangu,
 Oh, bulemu ku Zina Lyakwe!
 Ndili kkomene kapati kuti inga Nda ti Ndili
 umwi wabo.

Ndili umwi wabo, umwi wabo,
 Ndili kkomene kapati kuti inga Nda ti Ndili
 umwi wabo;
 Umwi wabo, umwi wabo,
 Ndili kkomene kapati kuti inga Nda ti Ndili
 umwi wabo.

Nokubakuti aba bantu tiiba kayiide,
 Na kulikankaizya kwa mpuwo yanyika,

Boonse baka tambula Pentekoste yabo,
 Kabbizigwa mu Zina lyu Jesu;
 Elyo balaamba lino, konse kule amumbali,
 Nguzu zyakwe zicili mbubonya,
 Ndili kkomene kapati kuti inga Nda ti Ndili
 umwi wabo.

²⁷⁹ Mbangaye bali mbamwi babo? Amu tambike maanza
 anu lino.

. . . balo, umwi wabo,
 Ndili kkomene kapati kuti inga Nda ti Ndili
 umwi wabo;
 Oh, umwi wabo, umwi wabo,
 Ndili kkomene kapati kuti inga Nda ti Ndili
 umwi wabo.

Lino boola, mukwesu wangu, yandaula
 cilongezyo eci
 Eco ciyo sanzya moyo wako kuzwa ku cibi,
 Oko kuyo talisya kulila kwa milangu ya
 lutangalo
 Elyo kuyo bamba buntu bwako kupya;
 Oh, bulapaya lino mukati ka moyo wangu,
 Bulemu ku Zina Lyakwe,
 Ndili kkomene kapati kuti inga Nda ti Ndili
 umwi wabo.

Ndili umwi wabo, umwi wabo,
 Ndili kkomene kapati kuti inga Nda ti Ndili
 umwi wabo; (Aleluya!)
 Umwi wabo, umwi wabo,
 Ndili kkomene kapati kuti inga Nda ti Ndili
 umwi wabo.

Ba kali bungene mu kaanda kamujulu,
 Boonse kabapaila mu Zina Lyakwe,
 Ba kabbizigwa a Muuya Uusalala,
 Mpawo nguzu zya mulimo zyakasika;
 Lino eco Nea kabacitila ku buzuba obo
 Uyo mucitila mbubonya anywebo
 Elyo Ndili kkomene kapati kuti inga Nda ti
 Ndili umwi wabo.

Ndili umwi wabo, umwi wabo,
 Ndili kkomene kapati kuti inga Nda ti Ndili
 umwi wabo; (Aleluya!)
 Umwi wabo, umwi wabo,
 Oh, Ndili kkomene kapati kuti inga Nda ti
 Ndili umwi wabo.

²⁸⁰ Lino kuciindi notu ng'ung'una, atu sukane maanza umwi
 aumwi. Kwaamba:

Umwi wabo, umwi wabo,
 Ndili kkomene kapati kuti inga Nda ti Ndili
 umwi wabo; (Aleluya!)
 Umwi wabo, umwi wabo,
 Ndili kkomene kapati kuti inga Nda ti Ndili
 umwi wabo.

²⁸¹ Sa tamuciti? Amwaambe, “Ameni!” [Mbunga yaamba,
 “Ameni!”—Mul.]

Ndili umwi wabo, umwi wabo,
 Ndili kkomene kapati kuti inga Nda ti Ndili
 umwi wabo;
 Umwi wabo, umwi wabo,
 Ndili kkomene kapati kuti inga Nda ti Ndili
 umwi wabo.

²⁸² Sa inga Nda imfila kampango komwe aka?

Nokubakuti aba batii tiiba kayiide, (Tiiba kajisi
 neiba yomwe mpati ncobeni D.D., Ph.D.
 manji, nywebo mwabona, taakwe zintu zipati
 ncobeni, nywebo mwabona.)

Aba bantu inga baiya kuba,
 Naanka kulikankaizya kwa mpuwo yanyika,
 (Kabunga kamwi kapati.)
 Boonse baka tambula Pentekoste yabo,
 Umwi aumwi wabo waka bbizigwa mu Zina
 lya Jesu;
 Elyo bala lungulula lino kulaale a bukwasule,
 Nguzu zyakwe zicili mbubonya,
 Ndili kkomene kapati kuti inga Nda ti Ndili
 umwi wabo.

Umwi wabo, umwi wabo,
 Ndili kkomene kapati kuti inga Nda ti Ndili
 umwi wabo;
 Ndili umwi wabo, umwi wabo,
 Ndili kkomene kapati kuti inga Nda ti Ndili
 umwi wabo.

Oh, kutali kwa onse mamilioni mabotu a mu
 nyika
 Sa inga Nda siya busena obu buyandisi,
 Nekubakuti sikutusunka ujisi... wandi
 sungilizya kanji kusola,
 Pele Ndili kwabilidwe mu cilawo ca mayake aa
 Leza,
 Kkomene mu luyando Lwakwe a luzyalo,
 Elyo Ndi kkala ku lubazu lwa Aleluya!

²⁸³ Oh, ma! Ndili kkomene kapati kuli ceeco. Tamuli obo
 na? Sa tamu kkomene kuba umwi wabo? Umwi buyo wa
 mbabo, umwi wa bantu babombe abo baka lisukumuna buyo,

kaseluka (kutali kumbele lya mutuni), kumbele lya Leza muumi, (kutali kumbele lya kabunga a kubikka zina lyako mu bbuku), kumbele lya Leza muumi, (kutali kuloolola kansiyansiya), pele kulekela Ijwi kuba mu mibili wabuntu muli ndinywe. Mwabona, nce ncico. Elyo walibombya omwini, alimwi mpawo kwiinda muli ceeco Wa kakusumpwida mujulu, (kutali kuba sikainya, sikulisumpula, kwaamba “Ndili obu, obo na i bumbi”), pele mu bubombe, bubotu, a “mbobuti Mbwa kasola kufutula mupenzi mbuli ndime, anzila Mbwa kacicita lyoonse?” Eyo nje nzila Munakristo wini mbwa limvwa. Sena mula syoma obo? Oh, Ngwa kasimpe loko!

Kasimpe, kasimpe, Ngu kasimpe loko kuli
ndime!

Oh, kasimpe, kasimpe, Ngu kasimpe loko kuli
ndime!

Nekubakuti bantu bamwi bala Mu zumbauzya,
Nse konzyi kupona kakutakwe Nguwe,
Ako nkekaambo nce Mu yanda, alimwi Uli
kasimpe loko kuli ndime!

Kasimpe, Ngu kasimpe loko kuli ndime!

Amu yiimbe!

Kasimpe, kasimpe, Ngu kasimpe loko kuli
ndime!

Nekubakuti bantu bamwi bala Mu zumbauzya,
pele Nse konzyi kupona kakutakwe Nguwe,
Ako nkekaambo nce Mu yanda, alimwi Uli
kasimpe loko kuli ndime!

²⁸⁴ Oh, Ndili kkomene kapati kuli ceeco! Iiyi, munene. Oh, Ndili kkomene kapati ku nzila eyi mpati ya Makanimabotu yakaindi, iipona mu nzila eyi ya Makanimabotu aakaindi.

²⁸⁵ Lino, beenzuma, mane tuka swaangane ku Cuuno cabwami ca Kristo alubo, cindi nomu komba, kamundi yeeya. Elyo Leza amulongezye umwi aumwi wanu. Ndili... Konzyi kwaamba kuti Nda usa kuti Nda mujata okuno.

²⁸⁶ Lino, kuli nduwe nojisji katambala kabikkidwe awa, Nda bikka buyo maanza ali ntuto kuciindi notwali kukombela balwazi, ikuti na wandi bona kucicita Muuya mbuwa nduumina. Nse njila mu zilengaano zinji loko, nkaambo Ndili kompeme, akukatala, nywebo mulizi, ndali waano kutandila maora obilo na otatwe eno, nkekambauka, alimwi Nda zwa kutilika kubweza basyoonto mu munkali kutegwa kamubona kuti Leza ngu Leza. Mwabona? I ciyumu, cikankamanisyo, cakuti zintu zitakwe bulingule... I dyabulosi...

²⁸⁷ Lino, amuyeeye, umwi aumwi wanu uli jisi nguzu muli Kristo. To jisi nguzu, ujisi bwami, bwami bwako. Wa kasumpulwa nconzyo, atala eni; kutali kulisumpula omwini, pele Kristo waku nyamuna. Mbwa kusumpwida Kristo, obo

mboyandisya kuba ansi loko, wabona, ulimvwa kubomba loko. Aboobo mbobuti Mbwa kalino konzya kuvuna mupenzi mbuli ndime, mbobuti Mbwa kacicita lyoonse? Pele Wa kacicita, alimwi aboobo Ndili lumbide kuli ncico. Amen! Ncibotu loko!

Ku Zina lya Jesu kukotama,
 Kuwa cakufugama ku matende Akwe,
 Mwaami wa bami ku Julu tuy Mu samika
 musyini,
 Cindi lweendo lwesu lwamana.
 Zina Liyandisi, (Zina Liyandisi!) O mbolili
 bbotu!
 Bulangizi bwa nyika a lutangalo lwaku Julu;
 Zina Liyandisi, (Oh, Zina liyandisi! Sa Tali
 mubotu?)
 Bulangizi bwa nyika a lutangalo lwaku Julu.

²⁸⁸ Lino, amuswiilile, muta cilubi eci, amwiimbe ciinduluko, atwiimbe kamapango kayo. Mwabona? Nse zyi inga Nda kayeeya kampango Nke yanda kwimba ka nkako, cintu citobela.

Ku Zina lya Jesu kukotama,
 Kuwa cakufugama ku matende Akwe,
 Mwaami a bami baku Julu tuy Mu samika
 musyini,
 Cindi lweendo lwesu lwamana. (Mwabona?)
 Ko tolelela Zina lya Jesu,
 Mboli ntobo kuzwa ku tooze toonse;
 Cindi masunko aku bungilila,
 Koamba buyo Zina eelyo Lisalala mu
 nkombyo.

Kwa mana. Tambika janza elyo akuswiilila kujata kwa mabbuleki! Mwabona? Mwabona?

Koamba Zina eelyo Lisalala mu mupailo.
 Zina liyandisi, O mbolili bbotu!
 Bulangizi bwa nyika a lutangalo lwaku Julu;
 Zina liyandisi, (O, Zina liyandisi!) O mbolili
 bbotu!
 Bulangizi bwa nyika a lutangalo lwaku Julu.

²⁸⁹ Atwaambe eco alubo, toonse swebo antoomwe. Ino mwaamba nzi? Atu bweze buyo kampango ako alubo, kujatikizya, "Kotolelela Zina lya Jesu, mbuli Ntobo kuzwa ku tooze toonse." Atu yiimbe lino a meso esu kajalide.

Ko tolelela Zina lya Jesu,
 Mboli Ntobo kuzwa ku tooze toonse; (Lino
 amuswiilile. Ncinzi cacita?)
 Cindi masunko aku bungilila, (Ino ncinzi nco
 elede kucita?)
 Koamba Zina eelyo Lisalala mu mupailo.

Zina Liyandisi, (Zina Liyandisi!) (O mbolili
bbotu!)
Bulangizi bwa nyika a . . .

[Mukwesu Neville wakanana ku Mukwesu Branham—Mul.]
(Nse citi. Peepe, Nda—Nda anga jwi aniini, Ndi jisi kwaanga kwa
jwi aniini, kutegwa Nta ambi . . . ? . . . Uyanda kumwaika . . . ? . . .
Peepe, kuli kabotu, ko zumanana ncobeni, eco cili kabotu.)

Bulangizi bwa nyika a . . .

Mukwesu Neville, mweembeli wanu, lino.



BUNAKRISTO KABUZUNDANA ABUKOMBI BWAMITUNI TNG61-1217
(Christianity Versus Idolatry)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono kuseeni, Nalupale 17, 1961, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org